





四明  
撫餘錄  
伍





四明撫餘錄引用書目

國朝周中孚鄭堂札記

明孫肩甲乙雜著

國朝楊炯書巖騰稿

國朝金鶚篤慎堂燼餘詩稿

明李嗣戒菴漫筆

國朝金捧闔守一齋筆記

國朝鄭永禧竹隱廬隨筆

國朝黃鈞宰金壺浪墨

康熙臨海縣志



國朝台州府志

明田汝成西湖遊覽志

國朝戚學標回頭再想

宋陳錄善誘文

明江盈科雪濤小說

明祝允明猥談

明徐祯卿藝林

明陳繼儒書畫史

明陳繼儒幽巖樓事

元羅貫中冥感記

國朝萬斯同書學彙編

宋孔平仲談苑

國朝戚學標回頭再想想

國朝李宗昉聞妙香室詩

明高濂菴雪文亭集



四明撫餘錄

國朝周中孚鄭堂札記云學春秋隨筆三于莊九年公伐齊下云

子糾小白古今不決之疑有二其一或以為僖公子或以為襄公子也案齊襄取王姬在莊元年冬不數月乃卒即媵妻有子距今八年七未成人而小白入國已知任管仲圉伯功踰二年六取王姬其為僖公子無疑也中孚案在昭十三年傳晉坼向對韓宣子曰齊桓衛姬之子也有寵於僖公此桓公為僖公子之確證也萬氏不引及而以浮詞解之言雖當而無徵矣

又云甕牖閒評三黃太史詩云為喚謫仙蘇二來故人謂蘓東坡排行第二其實第九二也李方林集中有贈小蘇先生九二丈詩



則知東坡第九二矣。愚謂山谷詩非省作蘇二也。東坡一字和仲當為老泉次子。第二乃同父行也。若九二乃同族行耳。袁氏執一而論，宜有此說。

又云：夔牖間評五載古詩云：日暮倚脩竹，佳人殊未來。所謂佳人乃賢人也。今畫工竟作一婦人，彼能不知詩豈無一人以曉之耶？愚謂畫工本少陵佳人詩，天寒翠袖薄，日暮倚脩竹，所謂佳人乃婦人也。非不知古詩而誤作者。袁氏謬相談評，亦當會畫工失笑。

明孫肩甲乙雜著云：矮翁，浙西秀州人也。世為明顯，乙酉出家，年三十四歲。慕長汀子為人放浪不羈，絕口不言世事。逢人但合掌。

念佛。結屋南湖之南梅谿之墟。友人題詩風顛掣盡，恣優游。結却送前布袋頭一笑。滄桑驚世晚。秀州翻作古明州。後過昭陽受法記。荊吳太師贈詩：割宅黃居謝愛憐，風流嘯咏一枯藤。梅谿卧月悠然遠，杖履隨雲自在登。宿主原分臨濟唱，伽梨今付秀州僧。甯知陶令橫眉意，入社聯吟愧未能。行人臨迴異時人，莫則國朝楊炯書巖牘彙云：青州府八惜之祀，明初寓主於太公廟。嘉靖中知府鄞杜君招別為專祀祠於其南，屬脩屢圯。迄今二百有餘年矣。

國朝金諤篤慎堂燼餘詩稿，哭方頤齋傳秘外凡詩有四明歸里月悽愴大江秋。由甯紹名歡祭奉諭旨旋秣陵之句

已四年後以引見及於京師



明李嗣戒庵漫筆云葉水心集墓誌王柘永嘉人知績溪修陂塘  
知江陰開渠五百里黃東發曰江陰渠無百里是矣然當時必有  
功於吾邑之水利者

國朝金捧闈守一齋筆記云乾隆辛亥八月鎮海縣郭外招寶山  
之側白晝天晦冥有二龍共禽一龍墜諸地大可數十圍儼如世  
所畫龍狀但角頗短而鬚甚長耳搖搖蠕蠕動旋斃矣腥聞里許  
鄉人競分取之其一脊骨正可作臼有得其領者市之獲錢二  
十餘貫

又云杭州玉普陀山觀世音菩薩寺海道凡八百餘里貫橋汪某  
挈眷進香汪故便家而性行虔潔買舟去舟子共九人見汪妻首

飾金翠輒萌盜心至中途稍公突進艙中厲聲曰汝首飾衣服尚  
汝有耶汪文弱不能伏雞而所帶家人亦均非健僕乃大驚失色  
顧諸水手則皆持刀相視夫婦哭拜乞命願以長物歸之盜益厲  
將盡殺乃止忽有飛箭從南來九人殲帆自順風而揚瞬息已到  
普陀山矣稽首慈雲見紫竹竿枝枝插階下救之其救九越日其  
戚好同棹迴杭自是皈依愈力錢塘徐怡秀與汪善此二十年前  
事也嘉慶丁巳七月甲日怡秀為予言

國朝鄭永禧竹隱廬隨筆云有人於地間拾得錦箋遺詩二首十  
月十六晚出甬江之義橋云又忘江頭梅霜天夜起寒烟隨波浩  
渺人對月團圓多病帶常緩獨眠衾更單檣聲催夢醒星火欲前



灘過曹娥云燈火市聲雜維舟又入河地原仍越土名已屬曹娥  
女子且如此丈夫當若何吾親不逮養有淚灑江波味其詞意亦  
蓮幕中人也

叔云有詠懷詩用及梁山伯祝英臺事者或訝其不經來告予予  
學淺其安能辨之適一甬友在代答曰此出甯波志實事也何難  
辨據言梁山伯故鄞令立有祠曰義忠有司為梁時封梁與祝東  
甬人一會稽一上虞堂同學梁先歸梁後遇上冀尋訪之始知為  
女歸乃告父母欲娶之而已許馬氏子矣梁悵然若失後三年為  
鄞令病死遺言葬清道山下又明年祝適馬氏過其處風濤大作  
舟不能進祝乃造果塚失聲哀慟忽地裂祝投而死焉今吳中有

花蝴蝶猛以梁山伯祝英臺呼之

又云四明吳澣城善述孝廉於書無不閱有談天兩篇一云天體  
渾圓象其大不可窮積氣充無間大地居其中譬如禽鳥卵黃為  
白所容黃乃地之體白即氣之充地為氣包舉而面皆空室骨山  
而血水毛髮長林叢古天億萬里豈與銀河通周圍產人物高厚  
戴履同代明有日月歲序成始終恆星與七政在天各一重高卑  
不同界遲速異行睽南北相極建靜者動之宗天行右旋捷諸曜  
並相從其實諸曜度漸漸西而東結緯三家說渾天理最融一云  
星月本無光光受日光燉地體一彈丸較日形差小果旭向東升  
破昏而為曉夕陽向西沈環從地下繞地影長而尖星月在表



遠遠對金輪。自他光有耀。同在普照中。銀河並皎皎。月輪小於地。在旅行度慄。合朔會日躔。日高光上照。漸離照。漸偏生。明見分秒。八日距半天。素影弓弦肖。望夕一輪圓。相對儀相對。有。經緯不皆同。詎憲闕。宥授。經同緯。亦同食。限判多少。月食必望時。斯理以而瞭。日食必朔時。月掩輝。難晶月食。普天同日食。論差較。曆天有高卑。遠近異。瞻眺。其勘理。處微而顯。是維橫。渾天。周牌。宜夜得。未誠言近指遠者。

國朝黃鈞宰金壹浪墨云。英吉利既定廣東之議。餽夷銀帑。無所出。使洋商伍怡和貸金足之。夷人索廈門甯波上海益堅。法粵者了粵事。不暇恤他省。秋八月。英夷再至廈門。陷之。其赴浙首目曰

郭僕僕義子曰陳祿。浙人也。深悉沿海地利。導之深入。方是時。總兵葛公雲飛王公錫朋鄭公國鴻守定海。而大帥統重兵駐鎮海。城夷攻定海之竹山門三鎮。且戰且守。飛書請兵。大帥不應。戒死守。毋望援。於是三鎮合兵四千。當夷人二萬餘。死傷既多。繼以敗潰。錫朋憤甚。獨揮刀。短陷陣。所親卒及身自盪。殺數十百人。力竭被刺死。國鴻別領一隊。衝入夷兵中。縱橫盡決。當者披靡。會夷兵大至。圍之數重。亮以中銃亡於陣。而葛公雲飛死尤烈。雲飛駐守南路土城。手撥四千。勦礮擊夷。後帥部卒持械步鬪。夷酋安突得執大綠旗。麾兵進。公罵曰。逆賊。終污吾刃。斬之。刀折。急拔所佩劍。仰登竹山門。賊飛刀劈公面。去其右半。血淋漓。徑登城。賊駭。逆聞。



忽有礮背擊公洞胸如盞而沒安突得上年被擒於浙軍夷人歸  
我定海請釋還國者也先是天雨浹旬公青布帕首麻袍着鐵齒  
鞞日拊循士卒霍濤中虜戰却敵行營有藥桶二公密納火線其  
中而朱書封面曰餉銀賊至取之盡焚死義勇徐保者夜臨公屍  
走竹山門雨霽月微明見公半面立崖石下拱手握刀不釋左目  
眇眇如生形負之行不能起蹙而祝曰盍歸見太夫人乎遂乘  
夜浮舟內徙三鎮既坐兵少同日殉難夷人乘勝陷鎮海諸帥或  
移節他所獨欽使裕謙公投洋也死初廣東謠言公得虜必刺其  
皮公曰虜謂我不能爾耶遂擒而夷目刺其皮以故夷人怨公刺  
骨以十萬金購公屍甚急于總馬瑞鵬泗水出公載以小舟送至

省垣敘之方事之殷林公在浙奉命削職戍伊犁論者追咎公督  
兩粵繳烟激變故也南中諸君子有贖緩之請公致函婉謝怡然  
而行

又云浙江提督余步雲用鄉勇起家勦川楚教匪積功為大將趙  
全龍之叛步雲功最久歷行陣號知兵鎮海之失知府黃冕奉  
公命守金雞山而步雲守招寶山同時兵潰陳時詔步雲意不  
戰怏怏懷死且以孀女為辭卒繳致敗夷人遂犯甯波焚掠慘  
酷祿又導之搜括牆根地窟靡有孑遺先是慈谿富紳葉仁製鐵  
鎖梅花椿堵禦海口費銀至二十萬也夷至我兵無一人駐守者  
燒鏹拔毀數日而盡當事老成持重知戰守不可恃米鹽牛豕私



相魏遠而步雲平以失棧被劫建赴師斬於市

國朝康熙臨海縣志云按舊志東湖初為船塢景祐中運使段小

連廢船塢以歸溫明二州

又云懷義橋在縣東二里宋乾道六年郡守向洵建或云宋時舒

重為尉斬惡少於此故名

又云通明橋在縣東三里以路通四明故名

又云宋臨海縣孫璫四明人淳祐元年任知縣

又云宋王崇奉化人淳熙間以進士任縣丞因論水利役錢二事

忤上官即解綬而去邑人高之祠於學側

又云舒璠淳熙間任典史

又元教諭陳紹常奉化人國朝陸山輝鄞縣人順治八年以舉人

任卒於官何經字醉六鄞縣人順治三年以准貢任在任五載順

治八年陞甯波府教授姜岳字紫曉慈溪人康熙十九年以舉人任陞

金華府教授

又云訓導楊開鄞縣人萬歷間任洪志甯波人崇禎間任沈整慈

溪人崇禎間任劉廷棧定海人崇禎間任

又云宋元豐五年特科進士蔣師顏字希賢鵲之祖任終奉化令

蔣鶚字發叔師顏曾孫仕象山令歷提舉乾道五年進士

又云施有政字學行華仕進所尊曰省心先生任奉化學正父有政

宋景定三年進士



又云元周仔肩字本道以春秋登延祐五年進士文學名重當時  
初授鄞縣丞遇事立斷剖決如流時徭役繁興公為主義役以便  
民轉長興判官

又云明陶凱幼時遊吳興遇相者四明表廷玉曰公五岳朝挹而  
氣色未開五星分明而光澤未見宜藏器待時後十年當為異代  
臣子顯名在荆揚之間後太祖龍興延訪授翰林官至禮部尚書  
又云虞翔仕吳為鄞陽太守博學善詞章時向剡任弄官御史中  
丞能古文詞常著任子十卷山陰朱育稱翔與弄立言燦盛眩若  
春榮

又云豐稷字相之四明人嘗為宋御史中丞論蔡京安置台州

又云元史蒙卿號果齋四明人宗進士徙家臨海善詩文有靜清  
集及小學紺珠行於世

又云張氏奉化教諭士燿女

又云抄淨邑人性聰慧十五出家聞了堂和尚居四明大興宗教  
即往參之得其真旨

又云國朝靈霄號攝菴姓鍾邑人大慈寺祝髮住其在四明延慶  
寺有鶴伏方丈駐謁青鳥銜花獻供種種靈異

又云何絃度重建邑庠文昌閣記順治丙戌當鼎革之初兵火迭  
臻泮宮鞠為茂州廣文四明碑六何師振鐸蒞立嘉惠士林更新  
膠序卜地於啓聖祠址建樓教櫺以祀文昌以望龍名樓越歲戊



子當賓興。師夢帝君授隱語。既寤占數。六壬得作賓之兆。應宜四  
雋。迨秋闈棘。撤適如厥占。都人士相共慶於庠。設師之命名卜吉  
期多士以利見。今有其徵矣。

又云元侯均安字以甯。號存菴。任終象山令。余學古任明州教授。  
俱薦

又云戴用賓明萬歷歲貢字春字任甯波教授。蔣幼學天啓歲貢。  
字行叔。號穆州。任信安訓導。陞甯波教授。博學高年。五推鄉飲宸。  
陳法瑛字新雅。崇禎歲貢。博學能文。任定海教諭。張士讀字俞。任  
崇禎歲貢。奉化教諭。

又云王公佐字子才。高熙二年右科進士。任終象山縣尉。明劉炳

文官定海總兵張超官定海總兵

又云方孝孺先生車狀祖炯元。鄞縣儒學教諭。

國朝台州府志云仙居縣有慈溪縣西一百二十里。天台縣有文  
溪在學宮前。

又云巡海道所設以已久。明嘉靖三十九年始設分巡甯紹台兵  
備道。

又云順治四年定海總兵張杰調鎮台州。

又云元侯均安名道本。號存菴。象山令。臨海縣舉人陳彥器。象山

知縣。臨海舉人毛南翰。太平舉人鄭山。書院山長。明葉鼎字希賢。  
以賢良任象山。訓甯海舉人明戴用賓字春字。臨海歲貢甯波授。



張士謹臨海歲貢。旣曰諭。奉化諭。陳法瑛字新羅臨海歲貢。宣海  
教諭。明何良勳字君懋。黃巖歲貢。慈溪諭。彭夢期。旣。蔡塘。黃巖歲  
貢。奉化諭。國朝符承郁字聖法。象山訓導。黃巖歲貢。范鳴字羽儀。  
黃巖歲貢。甯波訓導。明李朝文。太平歲貢。鄞縣訓導。國朝葉鳳鳴。  
太平歲貢。鄞縣教諭。明金植。甯海歲貢。鎮海衛教授。葉宗呂字六  
飛。甯海歲貢。甯波訓導。葉天璇字全之。甯波訓導。明范文學字良  
蔚。天台歲貢。甯波授。

又云。宋隆興元年進士。應振仙居人。字伯起。知昌國縣。乾道五年  
進士。吳驥仙居人。字仲魯。定海縣主簿。紹定五年進士。朱浦仙居  
人。字彥南。奉議郎。知鄞縣。端平二年進士。吳諒字直翁。仙居人。終

慈溪尉。景定三年進士。施有政字國華。以學行為。後進。所尊。仕奉

化學。正國朝。順治甲午科。順天舉人王表正字用先。甯海人。甯波教授。

又云。宋武科進士。王公佐字才之。臨海人。象山縣尉。

又云。五代宋朱夔。歷中書郎。轉台州刺史。後居四明。且葬焉。見宋  
書。及四明園經。五代唐劉文。一作劉崇舊志載杜確墓碑云。典劉文

起事。中和三年。太守劉公改刺四明。據此。則劉但名文。以中和元  
年守剡州。三年赴明。爾宋高祖九年。史弥正以承議郎知台州刺  
史。于三年。王明發以朝奉大夫知台州刺史。皆四明人。紹興二年  
八月。徐子寅以直秘閣知台州刺史。四明人。開禧二年。趙希夫。四  
明人。以奉議郎知台州刺史。宋慶歷五年。馬元康以秘書丞知台



州通判權宜海縣明王尹履鄞縣人台州教授宋高祐元年孫濤  
四明人任臨海縣宋王焘字從道四明人宣和四年任黃巖令明  
憲子才字州賓贛四明人瀋遜十六年任黃巖令素洽字德甫四  
明人嘉定十一年任黃巖令豐雲房字壽卿四明人瑞平三年任  
黃巖令

又云浙江巡海道一員明嘉靖中為巡視海道兼理甯紹兵備二  
十三年移駐台州二十七年移甯波三十二年設台州兵備道四  
十五年題准兼甯紹台分巡監督台州府松海總水陸官兵國朝  
康熙二十四年改分巡甯紹台道移駐甯波巡海道張邦紀滿洲  
籍遼東人由生員順治四年任朱從義山東茌平人由恩蔭順治

五年任耿應衡字玉齋湖廣麻城人由貢生順治六年任黃鼎東  
象字商彝江西南昌人舉人順治九年任蔡瓊枝字既森江南無  
錫人丁亥進士順治十三年任楊三辰字曙白遼東金川衛人恩  
貢順治十五年任劉緝堯山西曲沃人丁亥進士康熙元年任阮  
銓福建海澄人由准貢康熙七年任衛紹芳字匪莪山西猗氏人  
丙戌進士康熙九年任吳應鵬遼東人由蔭生康熙十年任楊應  
魁字斗垣遼東籍四川潼川人康熙十三年任盧崇興字瞻斗遼  
東廣甯人由蔭生康熙十六年任張沂字壺陽山西高平人丙戌  
進士康熙十九年任鄭端字司直直隸棗強人己亥進士康熙二  
十二年任吳中正無趙良璧遼東開原人由蔭生康熙二十七年



任王舜年山東掖縣人丙戌進士康熙三十年任霍于京陝西長安人由廩生康熙三十一年任胡承祖遼東廣甯人由廩生康熙三十三年任段志與河南濟源人由廩生康熙三十九年任楊瑞憲陝西鎮番衛人丁酉舉人康熙四十年任胡承祖康熙四十二年再任曹重改無王世繩果文煊正白旗人由監生康熙五十五年任江國棟正紅旗人由監生康熙五十七年任又云韓元俊餘兆歲貢任象山教諭劉敦吉字六臨慈縣拔貢康熙二十五年任台州府學訓導升平湖教諭又云臨海教諭何經字醉六鄞縣准貢順治三年任階甯州教授陸山輝鄞縣舉人順治八年任姜岳佐字紫瞻慈溪舉人康熙十

九年任升金華教授

又云黃巖教諭羅士尤慈縣舉人順治三年任訓導姜增壽字五先象山歲貢順治九年任升溫州教授

又云甯海訓導于承俊字文齡象山歲貢陞康熙間任升本學教諭鄭宗衡字繩園字海歲貢康熙十七年任

又云天台訓導吳明誠遂安歲貢順治六年任陞鄞縣教諭又云仙居訓導錢昌言慈溪歲貢康熙三年任

又云張杰字前川順治十一年任字海鎮阿爾泰字東都滿州正紅旗監生康熙九年任鎮守甯台總兵官林本直字育長江甯人庚子武狀元康熙十九年任甯州鎮撫成恩字崇之河僊人康熙



十四年由右州右營升象山營都司王翹字靜菴河南祥符人己  
未科武進士康熙三十年由右州左營升象山協右營都司陳國  
功字若亮江南人康熙四十一年由右營守備調定海鎮標左營  
守備王燾字徵遠錢塘人丁丑科武進士康熙四十七年由左營  
守備升象山協標右營都司朱冲福建漳州人康熙五十六年由  
左營守備調定海鎮標右營守備汪國祥由康熙十四年由太平  
參將陞象山副將累加右都督

又云右營字子重宋紹興十五年進士丞相史浩薦之有旨召對  
又云趙師邦字共父汝朱晦翁游最見器重以紹熙庚戌宗室科  
進士歷官鄞縣主簿終嘉興通判

又云許廣大字具瞻性至孝年十七父卒未葬值鄰火呼天號慟  
抱棺以與俱焚天為反風登元統進士授慶元路昌國判官其地  
接海人乞禮讓為興學校作岱山書院毀淫祠以取材賦去田以  
饒餼工一時向風慕學者甚眾陞武義尹以賢能稱調知鄞縣鋤  
豪猾平差役丈程限有訴必親辨析吏莫能售其奸夏旱步禱  
於甘龍潭泣拜良久龍於中湧出爪擎巖石上光耀閃爍下山未  
半雷雨大至既足甫入城明日四郊雷吼民歌頌云  
又云樓鑰四明人嘉熙七年添差通判厚德美政人便安之官至  
系知政事博學能文在右營多有著述  
又云唐裴肅濟源人官浙東觀察使貞元中明州鎮將栗鏗殺刺



史盧雲諺山越作亂攻臨浙東州縣肅擒鎧於台州送京師斬之  
見通志

又云晉梅盛字昌園為奉安令平易近民擢南昌別駕知晉將亡  
不赴隱於奉安築室居焉人稱為梅長者日翻梵書有彩鳳馴集  
宋初召不起帝嘉之錫菴名靈鳳

又云宋王崇奉化人溫照聞以進士來為臨海丞以臨水利役錢  
二事件上官即拂衣去邑人高之祀於學

又云宋楊王休字子美象山人乾道進士為黃巖縣尉時有豪猾  
武浙一境白郡黥隸他州閭里歡傳稱鐵面少府又嘗建議以鑿  
溫嶽以殺水勢有詩紀其事歷官至禮部侍郎

又云唐陳仲通懿宗咸通中為甯海令以德政稱大中間裘甫寇  
浙東將萬餘人入奉化甯海仲通率兵迎敵被害百姓哀之

又云周公輔真定行唐人洪武己巳為甯海縣丞時工部令縣役  
民二萬東築象山堤西浚黃巖河大府催促甚急公輔曰歲潦飢  
忍驅瘦民以事隣邑乎遂以自經曰吾死同僚必悟而以上聞民  
病瘡矣

又云明錢本第四州人天順間甯海典史和易愛民紳有才幹時  
邑人穆惟英恃勇殺人聚徒入象山憑險剽掠人莫敢當本第襲  
捕擒之百姓安堵

又云明鄧林字起霄六合人知天台縣尹政聲卓著洪武十四年



以事卒於四明。

又云沈道全慈溪舉人萬曆二十九年任天台教諭學問宏深風度開爽建文昌殿濬鑿泮池士林德之袁仲錫慈溪舉人萬曆三十八年任天台教諭學發行醜力挽文運嘗自歎其齋曰景式種胡所著有詩文若干卷凡諸生貧不能婚葬者捐俸資助士感其德陞崇明知縣

又云周大綬象山歲貢明天啟間任天台訓導縣志失載

又云唐美彥脩按孫郃才名志云前進士美彥脩本貫鄞州徙居

台州

又云宗豐稷字相之四明人嘗為御史中丞論蔡京安置台州

又云元史蒙仰貌果儗四明人宋進士徙家臨海善詩文有靜青集及小學紺珠行於世

又云沈履祥甯波人崇禎庚辰進士官監察御史明末寓台

又云張廷綬甯波人官都督明末寓台為鄉民所首推捕至適沈李二公過訪因併獲焉提督田雄諭降再三又使所知勸云三人者皆堅執不從同日殺於請越門外之山下後人過而悲之詩云日落雲黃識黃屯舊重來此地哭忠魂兵連燠野駭誰家破他鄉孤孰存生死丹心無轉劫是非青史聽追論一朝徇國三人在張陸崖山並報恩

又云明末柳森字景韶甯波人工丹青愛天台山山水因卜居縣城子超



克嗣其業

又云王光承字玠明末右阻兵至台角上秦祖襄疏薦力辭不就

又云于宋怒字忠甫諸城人歷官昌國主簿

又云唐洪經綸字大經丹陽人登天寶進士歷官諫議大夫時素  
冕冠浙鄞上命經綸參大將李光弼領軍協勦至甯海賊避入紫  
溪洞衆不可撓經綸授以方畧殲賊五百人強盡居民安堵

又云元卜元吉河西唐元氏寓天台以副榜任慶元路翁洲書院  
山長

又云唐任昉四明人長興間石敬瑭之亂避居於仙居任家溪任  
家坑父老傳有三墓碑已亡墓六為人發多銅器里人陳伯元得

一鏡背鑄永平人以漢和帝涼張茂齊東昏皆稱永平遂以昉非  
唐相焉知非傳而有之者耶謬矣

又云林德世字一元父仁壽為吏甯海因家焉為定海佐會歲旱  
郡守禁民訴災德世贊令力為民請守怒請益力竟得免民有見  
弟分財政訟者德世諭以倫理訟應息有以田詭寄他戶避役者  
令以徙之德世曰誠信未洽民之為詐非特民罪也乃得不徙其  
識改體善因事利民多類此同時方遊志為表其墓

又云元鄔信字中孚甯海人少儻善學應科舉不利輒棄去漫  
游湖海間王公貴人皆傾愛之四明好義者割田創義塾延信為  
師元亂南北道梗士夫多挈家海上貧不能存信輒賑之築室紫



溪山中徜徉其間。洪武間徵不起。  
四明屠緯真贈甯海胡梯詩有烟霞常獲高人履薜荔新裁隱士  
裳之句。

又云曹文晦字伯輝。穎悟多識。雅尚瀟灑。因天台人同邑。鄞尹許  
廣大以其縣之儒學教諭薦。遣使致聘不赴。

又云天台陳可及。孝友博學。楊太史守勤遊台。深器之。

又云劉烈婦鄭氏。夫宦四明。未返適大兵。至婦携其子竄山。出兵  
非污之。婦不從。遂斬之。其首至地。凡三躍。按鄭黃巖人。

又云戴氏適象山尉林景詔。詔為倭寇所害。黃巖人。

又云宋施氏甯海周良史妻。弁之母也。良史納施氏。明年侍父

適日本三月而弁生。後七年而良史訃。至施氏年甫二十二。父母

死奪而嫁之。毅然守志。先此里閭。未知讀書。施氏始教其子。後舅

家求良師。友以訓誨之。是時家惟四壁。施氏以一髮掃帚。弁為命

而弁又多病。人皆危之。每就學他郡。或赴京師。施氏即飯素。俟子

還。務肉食。弁後舉進士。諸孫炳煒。燭燦燿。相繼登第。其曾元舉

進士者二十餘人。蔚為望族。政和三年詔旌其門。

又云甯海許瑜妻李氏。生子續。甫六歲。盜起。瑜遇害。李抱續。泣。舅

氏善。仲載走慈溪。仲載以其年。嘗且有哀。老以勸之。別適。以自倚。

李知之。曰。吾不即死者。為許氏孤耳。孤今稍長。當抱還許氏。義不  
更二夫也。仲載不敢復言。後三年盜息。李歸葺田廬。資其孤。從儒



生遊後為名士李年七十卒太史宋濂為立傳

又云天台李氏適王其末期康監閩王傭象山以疫卒訃聞一慟  
暈地家人力救方甦是夕遂服瀉而死

又云許成季號曰虹長洲人天啟三年由進士任太平知縣乙丑  
調定海陞兵部主事累官參議

又云通典云東部臨海即東部都尉治也陽朔元年徙鄞或有寇  
害後徙句章臨海雖東部侯地然亦屢徙矣諸書皆云東部惟顏  
師古注漢地理云回浦南部都尉治未知孰是

又云吳忠恪公時來釋褐松江司李以禦倭有聲時趙文華巡視  
江南聞其名已列薦剡適公以事入謁甫下拜仰見文華端坐不

上、回禮公起立不終拜而出文華怒既已發矣遣騎追回公名而後

又云南宋台州宰輔執政共八人陳騏謝深甫皆不合於趙汝愚  
謝象祖能誅韓侂胄而卒成史弥遠之奸俱功不掩過最賢者其  
杜清獻乎私泚於朱晦菴論潔脩終始不變通鑑稱其入相止  
五閱月正己卑物弊政後休亦以漸變倘久於其任宋其有瘳乎  
然史止惜其暴卒惟陳耆卿亦成志直書為史嵩之所鳩笑臆身  
與同朝見聞必確

又云金鰲山在縣東南百里辛安鎮有小洞相傳昔人艤舟夜見  
一物起波間光彩注射迫視乃一巨鼈金色故以為名宋建炎四



年高宗避兵至此。有御座在善慶院中。徐神翁詩云：牡礪灘頭一  
艇橫。夕陽多處待潮生。共君不負登臨約，同向金黿背上行。舊傳  
高宗在潛邸時，聞徐神翁能知未來事，召至進此詩。後南渡避兵，  
泊舟牡礪灘。金黿山寺，則詩在壁間。隨訪其人，已不見矣。

又云甯海赤柱山，在縣北五十里，東跨鄞江西，連雁蒼北，抵奉化。  
又天門山，在縣北六十里。漢地里志會稽鄞縣東西有天門山水，  
入海。陶弘景真誥亦云天門山在鄞縣之南，甯海之北。山半亞海，  
今柵墟鐵場正其處。

又云紫溪洞，在縣北四十里。地幽阻，僅一綫道。唐袁晁據浙東，李  
光弼擊斬之，晁弟瑛從五百里騎，邀入洞中。光弼駐兵洞口，絕其

糧道，其徒皆餓死。洞內有仙人洞，四壁皆巖，可容人二十許。

又云五代竇雲，名義通，高麗僧。遊中國至天台，謁雲居，詔國師。忽  
有契悟及謁螺溪，聞一心三觀之旨，東歸。伍道四明郡守太師錢  
惟治咨問心要，請受菩薩戒，乃固留之，曰：或尼之，或使之，非弟子  
之力也。如曰利生，何必雞林乎？師曰：緣既汝合，辭不我卻，因止其  
行。常呼人為鄉人，有問其故，曰：吾以淨土為故鄉，諸人皆當往生，  
皆吾鄉之人也。

又云宋法智名知禮，字約言，四明金氏子。太平興國四年，後竇雲  
學教觀，始三月首座，謂之曰：法戒次第，汝當奉持。師曰：何法戒？  
座曰：大總持法門，圓融無礙者是也。師曰：既圓融無礙，何有次第？



座無對、淳化間道法大熾、為學徒、闕數日本、嘗遣徒侍三十、問詢求法要、師答之、咸臻其妙、天台之教、莫盛於時、真宗皇帝知名、遣中貴人至其居、命僧懺法、厚有賜予、翰林學士楊億、附馬都尉李遵勗、白丞相冠、準奏紫服及法智大師號、結跏趺坐而逝、經月發龕、以視、顏膚如生、爪髮俱長、茶毘舌根不壞、舍利不可數、又云本如四明人、林姓、住白蓮院、號神照師、卒之夕、所居果木盡壞、體聞異香、人見雲騰、

明怒中字無愠、台州人、姓陳氏、居明州雪巖三載、遷居瑞巖、洪武七年、日本禪師說法瑞巖、疏朝廷迎愠、化其國、愠至京、固辭帝喜、留主天界、宋公濂輩每洗沐日、輒輕造愠、莊色曰、我家袖子磨

肩擦脚、數十年、尚不奈何、公輩安得萃、因作口頭人事耶、是冬辭還山、宋公濂常致書問、又致偈曰、考祿第一、要知宗、四海惟知老怒中、白日青天、轟霹靂、孽狐妖魅、盡階蹤、洪武十九年七月、忽說偈曰、七十八年、無法可說、末後一句、露柱饒舌、嘴端坐而化、又云、圓悟號密雲、初住通元、清脩悟道、有天童開花、通元結果之讖、嗣歷諸方、至金粟、道法漸行、後往天童、開堂聚徒、常千餘人、至崇祿壬午春、忽曰、吾可以歸通元矣、遂拂衣歸、數月而終、果符前讖、

又云、楊守勤正學先生忠義遺編序、王應麟卷名稿記、又云、國朝楊體元刻廣志釋序云、四明楊持莊先生博雅純粹、藏



書萬卷一日示予一書為廣志繹為赤城王恆升先生所著也郵  
寄屠赤水序未竟而赤水捐館矣甲申秋予攝篆奉川謀付梓時  
天下雲擾丙未果丙戌兵變錄本失去每深惋惜甲午遊四明遇  
同學李懷五家藏是書似錄之急付梓云云

又云吳時來奏疏云趙文華嵩所引用也征南回時將銀二萬兩  
帳床送典世蕃婢妾二十七人名金玉首飾一付世蕃極以為未  
足文華告病疏亦即世蕃為之若夫聖天子在上則文華且馳驛  
榮歸矣又吳嘉會將脩邊銀兩打造銀器五損送文華轉送世蕃  
被尚書方鉞面斥其事

又云鄞邑生員金昉條陳各款有云台屬地方淫猥之婢並不婚

配蓬頭垢面跣足擔水挑薪甯海一邑尤甚等語應請畜婢以二  
十歲為率並請批示於保甲牌冊凡有畜婢之家即將婢女年歲  
一並查明開注如逾期罰錢若干必罰必懲以懲習可弭矣

田汝成西湖遊覽志云桂花有黃紅白三種而紅者特少宋時四  
明士人史氏者家有木樨變大紅異香因接本以獻高宗愛之畫  
為扇面仍製詩以賜從臣云秋入幽巖桂影團香深粟粟照林丹  
應隨玉母瑤池宴紫得朝霞下廣寒

又云夏時正成化中以太常寺少卿致仕布政使甯良等作西湖  
書院聘時正主之四方文學雲集時正嘗作詩蓬湖中隨風往來  
作四時詞云放棹蘭汀杜若洲有詩不用錦囊收儘教拋擲東風



裏逝水飛花處處流。詩成倚棹後，嗽呻棹觸風荷，躍錦鱗。老去都  
忘擷芳意，放歌何處採蓮人。鮮纔朝辭學士，講湖中畫舫不勝秋。  
白蘋風起，回汀晚泊，在蘆花淺水頭。霜清石出水，消波景澹烟融。  
入棹歌不似灞橋驢子，在滿身風雪，奈詩何。

僧之派有三，曰禪，曰教，曰律。今之講寺，即宋之教寺也。嘉定間，品  
第江南諸寺，以餘杭徑山寺、錢唐靈隱寺、淨慈寺、甯波天童寺、育  
王寺為禪院五山，錢唐中天竺寺、湖州道場寺、溫州江心寺、金華  
雙林寺、甯波雪竇寺、台州國清寺、福州雪峰寺、建康靈水寺、蘇州  
萬壽寺、兜邱寺為禪院十刹。以錢唐上天竺寺、下天竺寺、溫州能  
仁寺、甯波白蓮寺為教院五山。錢唐集慶寺、浚福寺、普福寺、湖州

慈感寺、甯波寶院寺、紹興湖心寺、蘇州大善寺、松江延慶寺、建康  
瓦棺寺為教院十刹。杭州律院則昭慶寺、大通寺、法相寺、菩提寺。  
內外靈芝寺不在五山十刹之列。

又云布袋和尚者，在奉化縣岳林寺，嘗瞞腹以杖荷一布袋，凡供  
身之具，盡貯袋中。隨處偃臥，天將雨，即著溼草履，驟行途中，遇亢  
暘，即曳高齒木屐，豎膝而睡。梁貞明三年，於寺中東廊石上端坐  
而逝。今杭州諸寺皆想其像，撫膝袒懷，閉口而笑，荷布袋於傍。蓋  
僧家藉此以示雲遊之狀為奉化之資耳。岳甫之珂嘗贊其像曰：  
行也布袋坐也布袋，放下布袋多少自在。  
又云奉化戴表元，宋太學生也，入元不仕，其湖上贈歌者一絕有



故國之思馬詩云牡丹紅紫艷陽天檀板朱絲錦色箋頭白江頭  
一尊酒無人知是李龜年

又云鄭清之詠六和塔詩云經行塔下幾春秋每恨無因到上頭  
今日始知高處險不如歸卧舊林邱

又云夏其誠者太常卿時正之父也其先鄞人及壯徙仁和正統  
七年捐米千石以賑貧者事聞璽書羊酒褒美後其家嘗為其友  
陸孟言題黃萬玉軒詩云晴香疏影白能傳暮景空林色信折後  
館夢回妻似海琪園坐對日如年娟娟霜月將三五粲粲冰花逾  
十午獨鶴歸來風動窻霞裳小隊舞羣仙張楷送夏其誠自京師  
歸仁和詩桂花風送木蘭橈千里湖山入望遙一路雁行依渚下

滿川楓葉近船飄詩成矮榻江涵雨夢覺孤篷月送潮莫訝潛鱗  
久蟠屈鳳雛今已出丹霄

又云鄭丞相清之在太學十五年殊困滯無聊甫升舍選而無名  
闕仍赴省試臨期又避知舉袁和叔親試別頭愈增怏怏及試青  
紫明主恩詩押明字短晷逼暮思索良艱漫檢韻中有韻字可押  
遂用為末白云他年蒙渥澤方玉帶圍頰歸為同舍道之皆大笑  
曰綠衫尚未能得著乃妄思繫玉乎已而中選攀附史弥遠官至  
極品竟賜玉馬遂成吉讖

嘉靖十年甯波陳約之與予同為曹祠一日暮歸梳髮火星自髮  
中出及解衣亦然想此時六被酒蒸鬱而首為陽宗髮後由臆執



氣融結暴得舒解而迸落歎

又云寶慶間表韶尹京移竹闕三賢祠於蘇堤建亭館以沽官酒或題詩云和靖東坡白樂天三人秋菊薦寒泉而今滿面生塵土却與表韶趁酒錢

又云東坡侂抗不勝盃酌部使者知公才望朝夕聚首疲於應接乃號侂為酒食地獄其後表穀侂抗適郡將不協諸司緣此以相詆表語人曰酒食地獄今值獄空傳以為笑

又云高宗嘗宴大臣見張循王俊持一扇有玉孩兒扇墜上識是十年前往四明誤墜於水尋屢不獲乃詢於張循王對曰臣於清河鋪家賣得召問鋪家云得於提籃人後遣根問回奏云於候潮

門外陳宅厨娘竈買得又遣聞厨娘云破黃花魚腹中得之奏聞上大悅以為失物後還之兆鋪家及提籃人補校尉厨娘封孺人循王賞賜甚厚

又云孝宗初與恩平郡王據同養於宮中孝宗英睿夙成秦檜悻之憲聖後志主璩高宗聖意雖有所向而未決嘗召賜宮女十人史丞相浩時為普安府教授即為王言曰上以試王耳當謹奉之王亦以為然因數日果皆召入恩平十人皆犯之矣普安者完壁也已而皆竟賜馬上意遂定

又云理宗微時鞠於母堂全氏一日秋暑偕弟共浴於河鄞人余天錫自杭還制東舟抵河澣忽雷雨帝共其前趨避舡側天錫



卧舟中夢見龍負舟驚起視之則舟見也問之為全保正子乃登岸詣全氏主人具難奉命二子出侍因謂天錫曰此吾外甥趙興善與尚也日者嘗言二子後當極貴初天錫為史彌遠門客弥遠有更立意囑訪淵東宗子之賢厚者天錫適感此異還白弥遠弥遠召二子至臨安立弟為沂王後卒代濟王帝王之祥自有異也又云楊后恨韓侂胄之排己也與次山謀以因事誅侂胄會侂胄議用兵中原俾皇子曦入奏侂胄再啟兵端將不利於社稷帝不答后益旁贊之甚力亦不答恐事洩俾次山擇廷臣可任者共共圍之禮部侍郎史弥遠素與侂胄有隙遂欣然奉命參知政事錢象祖嘗諫用兵貶信州弥遠乃先告之而禮部尚書衛涇著作郎

王居安前右司郎官張鑑皆預其謀開禧三年十一月三日侂胄方早朝弥遠密遣中軍統制夏震伏兵六部橋側率健卒擁侂胄至玉津園榷殺之後命弥遠象祖等俱赴延和殿以強侂胄聞帝不之信越三日帝怒謂其未死也蓋是謀悉出中官及次山等帝初不知也又云楊后既誅侂胄史弥遠日益貴用事嘉寧十四年帝以國嗣未定養宗室子貴和立為皇子賜名竑弥遠為丞相既信任於后遂專國政竑漸不能平初竑好琴弥遠買美人善巫者納之而私厚美人家令伺皇子動靜竑嬖之一日竑指輿地圖示美人曰此瓊崖也他日必置史弥遠於此美人以告弥遠弥遠大懼陰蓄異



志謀立其首為皇子更名的遂陰其的通十七年閏八月丁酉帝  
大漸弥遠夜召的入宮后尚未知也弥遠遣后兄子谷石以廢立  
事白后后不可谷等泣下曰内外軍民皆已歸心苟不立之楊氏  
無唯類矣后默然首肯遂稿詔廢法為濟王立的為皇子即位為  
皇后曰皇太后同聽政

又云理宗興於例微崇儒納諫以史弥遠有擁立功百務推遜無  
所專與及弥遠卒始親政

又云度宗理宗母弟也改元咸淳在位九年陵曰永紹先是慶元  
府阿育王寺有舍利塔雍熙中頽圯非得萬緡不可修有一行童  
發願募緣修造曰今惟八大王崇邸竄有力持疏勸緣大王止題

一千緡行童歸不能成乃斷臂流血不止而死其事莫有言者度  
宗於庚子歲八大王府中降生日夜啼哭不止一乳母抱之行廊  
廡下入小閣見黏一塔影忽然而笑去而後頽揭塔影於置其手  
中遂不復啼哭乳母以告大王忽悟所題疏末句下本寺訪之言  
行童以其年某月某日死計死之日正度宗生之日也大王遂捐  
貲以成其塔度宗取入宮時理宗忽夢有告之者曰此十年太平  
天子也遂立為太子陸務觀有詩云人間八萬四千塔便合推為  
第一仙蓋謂此也

又云淳熙五年二月初一日孝宗過德壽宮起居太上留坐冷泉  
堂至石橋亭子看古梅太上曰苔梅有二種一種出張公回者若



鮮甚厚花極香一種出越上苔如綠絲長尺餘今歲二種同時著  
花留此少觀命內侍宦史浩至賜坐并召居廣鄭藻置酒奏樂上  
皇宮索市食如李婆婆雜菜羹賀四醕面臙三豬脰胡餅戈家甜  
食等數種太上笑謂史浩曰此皆京師舊人私厚賜之又移宴靜  
樂堂畫遣樂工全用內人動樂酒行無算太上以黃玉紫心大葵  
花盞宮勸史浩持觴為兩宮壽君臣皆沾醉小內侍密語史相公  
少酌上聞之詔浩曰滿酌不妨當為老先生一醉喜賜玉帶一條  
片腦一金合紫尼羅二十疋御書四幅浩謝而退

又云史弥遠丞相浩之子鄞人也初浩與覺長老善問覺曰和尙  
與我孰好覺見其堂奧簾幙羅綺爛盈粉黛環列漫曰丞相富貴

好老僧何敢比也既自省曰此念一差積歲蒲團工夫盡廢終當  
墮落泥滓一日浩坐廳上儼然見覺突入堂中使人往寺廉之則  
報覺死矣茶頃浩後院弄璋浩默然知為覺也遂以覺為小名及  
長名之曰弥遠弥遠當甯宗韓侂胄以用兵起釁中外愛志弥遠  
遂上疏力詆帝嘉之尋又贊廢濟王立理宗理宗德之寵任日刻  
相兩朝二十六年權震海內時有人作詩規之者曰前身元是覺  
鑲黎業障紛華總不迷到此更須睜隻眼好將慧力運金鑲  
又云甯宗無子選太祖之後貴和為太子更名竑封濟國公貴戚  
為邵州防禦使嗣沂王竑好鼓琴史弥遠買美人知書善鼓琴者  
納之竑而厚撫其家使瞰竑動息美人知書慧黠竑嬖之時楊皇



后專國政弥遠用事久宰執侍從臺諫藩閫皆所引薦莫敢誰何  
權勢薰灼竑心不能平嘗書楊后及弥遠事於几席上曰弥遠決  
配八千里又嘗觀宮壁輿地圖指瓊厓曰他日置史弥遠於此又  
嘗呼弥遠為私恩以他日非新州即恩州也弥遠聞之大懼思以  
處竑而竑不知一日弥遠為其父誥飯僧淨慈寺與國子學錄鄭  
清之登慧月閣屏人語曰皇子不堪負荷聞後沂邸者甚賢今以  
擇講官君其善訓導之事成弥遠之坐即君之坐也清之敬諾乃  
以清之為教授清之日教貴誠為文又購高宗御書俾留之清之  
上謁弥遠即以貴誠詩文翰墨呈之卷不窳口弥遠嘗問清之曰  
吾聞皇極之賢已熟大要畢竟如何清之曰其人之賢更僕不能

數然一言以斷之曰不凡弥遠領之再三意益決乃日謀孽竑失  
言於帝觀帝廢竑而立貴誠帝不悟其意

又云甯宗在疾弥遠矯詔立貴誠為太子更名的遣鄭清之往告  
貴誠以將立意貴誠默不應清之曰丞相以清之從游之久故使  
布腹心足下不答以一語則清之將何以復命於丞相貴誠始拱  
手徐言曰紹興老母在清之以告弥遠益相與歎其不凡及帝崩  
弥遠遣皇后兄子谷石以廢立事白后后不可曰皇子竑先帝所  
立豈敢擅變谷等一夜七往返后終不許谷等乃泣拜曰內外君  
民皆已歸心不立禍變必生楊氏無唯類矣后默然良久曰其人  
安在弥遠即於宮中遣快行官昫令之曰今所宣是沂王府皇子



非萬歲者皇子苟誤則汝曹皆處斬皇子竑時聞皇崩改旦以需  
宮召久不至乃厲目牆壁間見快行過其府而不入疑焉已而擁  
一人經過天暝不知為誰甚惑之昀入宮見后后拊其背曰汝今  
為皇子矣竑遠引昀至極前奉哀畢然後召竑竑聞命即赴至則  
所過宮門禁衛輒拒其後者竑遠亦引竑至極前奉哀畢引出惟  
殿夏震守之遂召百官立班聽遺制則引竑就舊班竑愕然曰今  
日之事我豈當仍在此班震給之曰未官制已前當在此官制後  
乃叩位耳竑以為然已而還見殿上燭影中已有人在御座則昀  
已即位矣官制畢閣門官贊呼百官拜舞賀新皇帝即位竑不肯  
拜夏震捧其背下拜遂稱遺詔以竑為開府儀同三司進封濟陽

### 郡王

又云濟王既廢寓居雲城寶慶元年潘壬潘丙謀立王率亡命數十人  
夜入城至邸聲言義舉推戴王聞變易服匿水竇中久而得之擁至州治  
旋往東岳行祠取龍椅置厯事以黃袍加之王號泣不從脅之以刃不得  
已與之約曰能弗傷太后與官家否眾许诺乃假淮南李全揭榜州門稱  
兵二十萬遠近震動比曉則執兵者皆太湖漁人巡司弓卒而已王知謀  
不成乃與州將勒兵勦之突聞調兵至則賊已就誅矣史竑遠遣人慰王且  
以醫未投藥鳩之九竅流血而死嗣是數見怪竑遠懼為之改葬且作佛事  
超度之竑遠之比周於楊后也出入宮禁外議甚詳有人作詠雲詞譏之



云往來與月為傳舒卷和天也蔽及廢濟王而殺之也甚冤烈克  
莊有詩談之云楊柳春風丞相府梧桐夜雨濟王家當其時權勢  
赫烜引布愼任李知孝果成大等為之鷹犬搏擊善類士流無恥  
者多以鑽刺進秩官宴時有伶人執奉石以大鑽鑽之久而不入  
歎曰鑽之弥堅一伶遽扑其首曰汝不玄鑽弥遠却來鑽弥堅可  
知道鑽不入也舉座弁栗翼日弥遠杖伶人而出之境又蜀閬大  
宴有優為衣冠者數輩皆稱為孔門弟子相與言吾儕皆選人遂  
各言其姓曰吾為嘗泣事吾為於汝政吾為吾將仕吾為改文學  
別有二人出曰吾宰予也夫子曰於予與改可謂僕俸其一曰吾  
顏回也夫子曰回也不改其人憤然曰吾為四科之首而不改汝

何為獨改宰予曰吾鑽遂改汝何不鑽回曰吾非不鑽而鑽弥堅  
耳曰汝之不改宜也何不鑽弥遠乎

又云弥遠死已久一夕其家聞叩門聲曰丞相歸举家駭匿比入  
門燈檮紛紜升堂中席子掃皆出羅拜訊慰平生歷歷囑家事索  
紙筆題詩云冥路茫茫萬里雲妻孥無後舊為羣早知泡影須臾  
事悔把恩讐抵死分

又云陸宣公祠久圯陸慶聞並祀楊簡等

又云西湖書院成化間布政使甯良等建之以居大理鄉人夏  
時正印太乙宮故址也建書庫捐贍田以待四方學子徐奇詩天  
上歸來畫錦行一區書屋傍湖成身如五柳先生懶心似孤山處



士清松下研珠朝露滴竹西開卷夕陽明遙知載述中宵候萬丈  
文先北斗牛

又云襄湖金沙灘史國史徽孫別業

又云鄭清之淨慈寺雙井詩云水神何時生六翮飛出双泉江練  
白平湖浸月眇無邊一笑對之成揖客轆轤初動曉星橫夜卷寒  
瓊聲澹澹千年佛殿礎花乾十畝空庭蔭脩柏問尔何事趁奇觀  
故向庭前作真澤苦年何塞今何通尔豈有心搔揀擇若云尔自  
井中来枯裝沿山有龜坼如言地中尔自見是年何須穿土脈  
風骨動雨無干細論此證歸禪伯我方饒舌為井記了不相干勞  
刻畫寄詩更於結茶緣付與宗風自維拍

又云南山觀音洞秦少游詩云匹馬驪嘶石路斜觀音洞口踏烟  
霞普陀風景若相似只欠潮音小白花

又云僧靈夢堂報國寺舞鳳軒詩云江濤曉上青崖巖山勢遠從  
天目來錢氏生能當王氣郭生端復是僊才光搖晴旭九苞動影  
拂秋旻雙翅回為我翩然覽輝下一軒著此亦宜哉

又云寶所塔塔門舊有張印之書湖山勝槩四字今移置淨慈寺  
閣又靈隱直指堂亦張印之書佛國山門在北山亦印之書也

又云瑪瑙寺西有半婁小隱瓊華皆史弼遠別墅也臺榭工麗在  
在殊宜

○ 又云集慶講寺宋理宗淳祐十一年貴妃閻氏建為功德院閻氏



鄞縣人明艷絕倫。後宮為之奪寵。寺額皆御書。乃廣冠於諸刹。經  
始壬辰。丙司分市材木於郡縣。旁緣為姦。望青採斫。鞭笞迫速。雞  
犬不甯。雖勳臣舊輔之墓。皆不得自保。或作詩諷之曰。合抱長材  
臥壑深。于今惟恨不空林。誰知廣厦千斤谷。斲盡人間孝子心。其  
後恩教漸隆。雖御前五山。亦所不逮。一日忽於法堂鼓上得大字  
一聯云。淨慈靈隱三天竺。不及閻犯好面皮。於是行下天府緝捕  
其人。終不得。有三池九井。月桂亭。金波池。並廢。遂存理宗御案一  
軸。並遊園一軸。仇仁近詩。平生三宿此招提。眼底交遊更有誰。頽  
愴漫留金粟影。杜陵忍賦玉華詩。旋更紫笋猶含籜。自摘青茶未  
展旗。聽徹洞簫清不寐。月明正照古松枝。

又云張商英雪白觀見山亭詩云。簾卷疎簾碎眼開。浮雲飛盡見  
崔嵬。苦嗟霖雨遮藏久。深謝晴風引致來。丹桂有時明月滿。舊山  
無路白猿哀。禪僧指我真堂理。心火茫然一夜灰。

又云僧梵琦慧雲寺留雲亭詩云。人家十萬繡成堆。未抵南朝一  
段奇。象輦不來春草綠。小亭雲鎖紫琅碑。

又云張孝祥寶林院可賦軒詩云。光以獵。上烏巾。不那西湖爛  
熳春。借我繩床對脩竹。為君一洗軟紅塵。

又云樓攻媿為太乙宮道士賦詩云。武林山出武林水。靈隱後山  
毋迺是。此山亦後用此名。細考其來真有心。從來有龍必有珠。此  
雖培塿千山餘。蓋疑此山為靈隱之餘脈。是又指二山同為武林。



矣

又云淳熙五年九月二十日孝宗臨幸秘書省賜丞相史浩以下  
官詩云玉軸牙籤煥寶籙簪紳侍列映秋光宴閑雲閣儒風盛坐  
對蓬山逸興長稽古右文慙菲德禮賢下士法前王玆臻玉治觀  
照治更罄嘉猷為贊襄

西天寺在朝天門外延祐間西僧板特達降香普陀山過錢唐建  
此後改為巡視都院察院今為杭嘉湖道

又云甯紹台道在運司河下杭州府三桂堂承化堂嘉寧間安撫  
表韶建

又云錢塘學東嶽忠祠祀革除死事諸臣左拾遺戴徒葬其馬

戚學標回頭再想云三字經明趙南星有注夏之翰言王伯厚作  
或云區道子作

又云海甯查茂蔭嘉慶壬午舉人嘉蔭副貢俱為四明教職

又云潘南廬本義舉人任定海教諭後陞貴州鎮遠知縣遷湖南  
永順府福建興泉道自教職不十年為觀察按察恭辰其孫也

又云魚海城不典按姜西溟寄王阮亭海艷全謝山詩春洋來海  
鮫作鮫李杲堂詩千觴魚頭細海鹹作鹹按皮日休集辭人寄海  
城總之方物無一字其物魚狀有類於蟲疑是鹹字為正

邵海園洪提拔無鬚狀類武弁從駕時校射連三箭俱中上大嘉  
賜翎後晉江右藩司同鄉黃潤川去任交代未清深得其力



又云奉化西鄣聖姑祠旁第一侍女傳為鄞諸生史義任女兒幼  
許姜山之陳姓翁病子外出先迎過門侍奉甚孝既合卺有子女  
教勸其外務正外不聽益蕩遊廢產父母不之顧甚加無禮於己  
私常飲泣會以女紅得錢數百備翁溫食後有攫去入賭肆哭曰  
從此不孝子不如死遂自縊家人聞往仇陳氏子是夜夢冠帽  
來告母曰兒女聖姑侍者以過滴今幸召還仍在姑側生前孽緣  
正為見消釋可勿論願不惑忘者兩家父母恩耳如念兒可令大  
弟跡我於奉化某村計離家無二里百里已而義任館其邑胡家  
潭往訪果有聖姑祠在西鄣環村鄣姓祠最靈旁首侍女似其姊  
抱之大哭眾駭集問故具告先夢今果然并指左耳後癩此一處

尤宛然吾姊也因又言祖病時姊夜祈斗剗股肉以療創甚渾去  
若有以藥敷之者痛如失眾曰孝如此宜其為神侍遠近喧傳謁  
聖姑必加禮其旁侍者日久像重裝耳後癩依然

又云浙中有東西二抱經之名一為紹興學士家杭州校刻古經  
為海內博古之宗一則中書名趾號青崖家中藏籍之富在四明  
與范氏天一閣相埒大半得之明豐氏抱經者取昌黎贈玉川子  
語本其家故事故不約而同

又云中秋以八月十六甯溫台三府名然由元末方氏據有此三  
郡母誕而改甯郡人傳為史越王事以州為史安休有之不能及  
溫台



又云江下寓樓集放翁句為客題畫衣紳飄舉髮颯、聊作人間汗漫游白浪蹴天樓於動控師指點說琉球夕陽明處兒漁舟縹緲雲邊罨畫樓聞有水仙翁是吾天風浩、不空留

又云偶呼水母為懶助無識者句餘土音亦未及因舉薩天錫詩示之薩在元末多客慶元其賦懶助云海氣凍成紅玉脆天寒風寒結紫雲腥為巧得其狀

又云向來關節多以成句暗置如陳錫嘏以一匡天下用在子產子產一節題破內徐紹鉉以聲聞於天用在上如揖四句結尾陳鄞縣人

宋陳錄善誘文云楊傑提刑遊明州育王山因晝臥夢有婦女十

數人執紙若有所訴密遣人往視行厨果得蛤蜊十數枚訴者乃蛤蜊求生也

明江盈科雪濤小說云余聞四明有柑田其種柑也用柑水灑田中一點一柑期至而收之如收五穀量畝多寡

明祝允明猥談云奉化所謂丐戶俗謂之大貧聚交城外自有為匹耦良人不與接婚官給衣釋而本不甚窘赤婦女稍救澤業枕席其始皆官家以罪殺其人而籍其牝官穀之而征其淫賄以迄今也

明徐祜卿藝林云胡宏字任之甯波人少讀易遇一道人與語曰我有秘術子可受之但不營仕乃可免禍耳宏曰謹奉教遂以卜



筮授之談無不中有卜者每聞宏作卦輒從鄰壁中聽之其談皆按易占無說辭後知之遂不說易但言貞咎而已有一人家暴富心疑之宏為設卦曰家有狸奴走入室是其祥也曰然曰狸形必大可秤之得幾斤曰七斤許曰富及七載狸奴當去何能久也及期狸果去不見家多如初一人家有屍撐於門莫知為誰主人懼不敢啓扃踰垣而逃卜於宏宏曰有府胥姓某者往求之以可解矣主人往索果得其人懇乞再三曰誠不敢諱是予某親非有宿嫌求棺耳召其子遺以金帛禍乃解嘗經吳閶門都倉宏家將戒舟有唐貢士者偕其友三人來宏曰公等何為曰行藏未卜幸先生教之曰草草不暇行當筮之卦成宏折而論之曰某君勿行

當有疾厄某君中乙科唐君浚必為御史浚悉如其言平生占驗甚多每筮一卦則受金半兩以壽終於家

明陳繼儒書畫史云楊維翰字子固自號方塘鐵崖之兄也喜讀史其維禎改學每寒暑抵夜以漏分為度睡則以水沃面筮仕郡文學初帥府檄為慈溪校已遷天台校其文議論高古有氣馭可畏晚年游戲墨蘭竹石極精妙興至即揮灑人求者無貴賤悉作又云葉法善於求李北海書碑北海為括蒼太守不可強乃攝其魂書之北海夢中書碑竟醒而遣人追視宛如夢中今名攝魂碑又云張即之別號樛察完顏有國時每重攝其蹟史稱即之博學有義行脩潔喜書校經史皆手定善本史官書蔽其名安國名孝



祥仕終顯謨閣學士所設于湖先生希伯之兄中之一伯父也其  
書師顏魯公堂為高宗所稱印之稍變而刻急遂自名家然安國  
僅年三十有八而印之八十餘咸臨邛孫存故世稱榜寮書而于  
湖書鮮稱之者

明陳繼儒巖棲幽事云危太樸作隸書歌一篇贈四明汪大雅備  
括諸碑之所自且歷疏之贖之千餘言不休

唐杜光庭洞天福地記云第九洞四明山周迴一百八十里名曰  
丹山赤水洞天在明州

又云第十一洞天白山周迴五百里名元德之天在明州

元羅貫中冥感記云牡丹燈記方氏之據浙東也每歲元夕於明

州張燈五夜傾城士女皆得縱觀至正庚子之歲有喬生者居鎮  
明嶺下初去其偶鰥居無聊不復出游但倚門伫立而已十五夜  
三更盡游人漸稀見一丫鬟挑雙頭牡丹燈前導一美人隨後約  
年十七八紅裙翠袖妍媚迤邐而去投西而去生於月下視  
之韶顏稚齒真國色也神魂飄蕩不能自持乃尾之而去或先之  
或後之行數十步女忽回顧而微哂曰初吾桑中之約乃有月下  
之遇事非偶然也生即趨前揖之曰敝居咫尺佳人可結回顧否  
女無難意即呼丫鬟曰金蓮可挑燈同往也於是金蓮後回生與  
女携手至家極其歡昵自以為巫山洛浦之遇不是過也生問其  
姓名居址女曰姓符麗卿其字淋芳其名故奉化州判女也先人



既沒家事零替既喜兄弟仍鮮族黨止妾一身遂與金蓮僑居湖  
西爾生留之宿態度精妍詞氣婉媚低幃暱枕甚極歡愛天明辭  
別而去及暮則又至如星者將半月隣翁疑焉穴壁窺之則見一  
粉粧髑髏共生並坐於燈下大駭明旦詰之秘不肯言隣翁曰嘻  
子禍矣人乃至盛之純陽鬼乃幽陰之邪穢今子與幽陰之魅同  
處而不知邪穢之物共宿而不悟一旦真元耗盡災眚來臨惜乎  
以青春之年而遽為黃壤之客也可以悲夫生始驚懼備述厥由  
隣翁曰彼言僞居湖西當往訪問之則可知矣生如其教逕投月  
湖之西往來於長堤之上高橋之下訪於居人詢於過客並言每  
有日將夕矣乃入湖心寺少憩行遍東廊後轉西廊廊盡處得一

暗室則有旅櫬白紙題其上曰故奉化符州判女麗卿之柩柩前  
懸一雙頭牡丹燈燈下立一冥器女子背上有二字曰金蓮生見  
之毛髮盡豎寒栗遍身奔走出寺不敢回顧是夜借宿鄰翁之家  
憂怖之色可掬鄰翁曰元妙觀魏法師故閑府王真人弟子符籙  
為當今第一汝宜急往求焉明日生謁觀內法師望見其至驚曰  
狀氣甚濃何為來此生拜於座下具述其事法師以朱書符二道  
授之令其一置於門一懸於榻仍戒不得再往湖心寺生受符而  
歸如法安頓自此果絕來矣一月有餘不覺又往家繡榻訪友留  
飲至醉却忘法師之戒逕取湖心寺路以回將及寺門後見金蓮  
迎拜於前曰娘子久待何一向薄情如是遂與生俱入西廊直抵



室中女子宛然在坐教之曰妾與君素非相識偶於燈下一見感君之意遂以全體事君若往朝來於君不薄奈何信狀道士之言遂生疑惑便於永絕薄倖如是妾恨之深矣今幸得見豈能相捨即握生手至於柩前柩忽自開擁之而入隨即閉矣遂死於柩中隣翁怪其不歸遠近尋問及至寺中停柩之室見生之衣裾微露於柩外請於寺中問之於僧而發之死已久矣其女子之尸俯仰臥於柩內女貌如生焉寺中僧眾歎曰此亦化州判符君之女也死時年十有七權厝於此州判還去竟絕音耗至今十有三年矣不意作怪如是遂以尸柩及生殯於西門之外是後雲陰之晝月黑之宵往往見生與女子攜手同行一丫鬚挑雙頭牡丹燈前導

遇之者輒得重疾寒熱交作薦以功德祭以牢醴庶獲可痊否則不起矣居人大懼競往元妙觀謁魏法師而訴焉法師曰吾之符籙止能治其未然今崇成矣非吾之所知也問有鐵冠道人者見居四明山頂去効鬼神法術靈驗汝輩宜往求之眾遂至山攀緣藤葛蒼越溪澗其上絕頂果有茅庵一所道人凭几而坐方看道童調鶴眾羅拜庵下告以來故道人曰山林隱士旦暮且死烏有奇術君輩過聽矣拒之甚堅眾曰某本不知蓋元妙觀魏法師所指教尔道人曰吾老矣不復下山已六十餘年小子饒舌煩吾一行即與童子下山步履輕捷徑至西門外結方丈之壇踞席端坐書符焚之忽見符吏數輩黃巾帛襖金甲雕戈長皆丈餘屹立壇



下鞠躬請命貌甚虔肅道人曰此間有邪崇為禍驚擾生民汝輩  
豈不知耶宜疾驅之至受命即往不移時以枷鎖押女子共生并  
金蓮俱到壇所鞭撻揮扑流血淋漓道人訶責良久令其供狀將  
吏遂以紙筆授之俱各供數百言今錄其畧於此喬生供曰伏念  
某喪室鰥居倚門獨立犯在色之戒動多慾之求不能效孫升兄  
兩頭悅而決斷乃致如鄭子逢九尾狐而愛憐事既莫追悔將奚  
及符女供曰伏念某青年棄世白晝無鄰六魄生離一靈未泯燈  
前月下逢五百年歡喜寔家世上民間作千萬人風流話奔迷不  
知返罪安可逭金蓮供曰伏念某殺青為骨染素成胎墳壙埋藏  
是誰作俑而用面目機發比人具體而微既有名字之稱可立精

靈之異因而得計豈敢為妖供畢將吏所呈道人以巨筆判曰蓋  
聞大禹鑄鼎而神斫鬼秘莫得逃其形温嶠燃犀而水府龍宮俱  
得見其狀惟幽明之異趣乃說怪之多端遇之者不利於人遭之  
者有害於物故大厲入門而晉景殺妖永啼野而齊襄殂降禍為  
狀興災作孽是以九天設斬邪之所十地金罰惡之司使魑魅魍  
魎無以害其奸夜叉羅刹不得肆其暴矧此清平之世坦蕩之時  
而乃變幻形骸依草附木天陰雨濕之辰日落彗橫之夜闕於果  
而有聲窺其室而無覩燭營百年狼貪一旦疾如飄風烈若猛火  
喬氏子生猶不悟死何恤焉符氏女死為貪淫生可知矣况金蓮  
之怪誕何冥器以成形惑世誣民違條犯法狐綏綏而有傷鷄奔



奔而無良惡貫已盈罪名不宥陷人坑從今填滿迷魂陣自此打  
開燒毀雙明之燈押赴九幽之獄沈淪陰翳永無出期判詞已具  
主者率行急急如律令即見此三鬼悲啼躑躅為將駭掉而立道  
人拂袖入山明日眾牲往謝之不復可見止有草庵存焉急往元  
妙觀訪魏法師而審問其故其法師則已失寤不能言矣

國朝萬斯同書學彙編云五代無作字不用姓司馬蘇州人善書  
學歐陽率及體吳越錢鏐聘居明州米芾書史謂唐末人學歐尤  
多四明僧多作學真書得八九分行字肥弱用筆寬又有八九家  
不逮此僧則無作之書可知矣

又云張即之字溫夫忝知政事孝伯子由烏江徙鄞縣任終司農  
寺丞以能書聞天下金人尤寶其翰墨

又云袁桷字伯長號清容鄞縣人仕至翰林侍講學士謚文清善  
書有遺蹟傳世

又云陳子章字象賢孝仁人精藝文書効李北海元末為慶元路  
教諭

又云釋本惠號中峰居慶元海會寺寫華嚴經塔一幅三年而成  
其字細如蠅頭縱橫成文後人寶之

又云烏斯道字繼善慈溪人洪武中歷知石龍永新二縣有文名  
精楷書法器官後求文及書者無虛日

又云田致平字林衡孝仁人好為詩字用章草篆隸洪武時年九



十餘卒行誼表於一鄉  
又云王鉉字用賢鄆人性好梅植梅庭下雖凝陰焚香默坐對之  
不吝因寄以摹寫風格勁瘦賦長歌以隸書題之時稱三絕  
又云胡廷鉉字公惠奉化人少學歐陽詢書洪武初召至京命其  
詹孟舉寫千文太祖以廷鉉為優命書皇陵碑遂授中書舍人  
有楊尹銘張景者並鄆人尹銘工楷書小篆周伯琦操小楷行世  
師鍾王並有名於時尹銘永樂間為中書舍人  
又云桂宗儒慈溪人由貢生預脩永樂大典授蘄州同知監司署  
其考學優政拙還之吏部侍郎師達知其為孝良後子以善詩工  
楷書薦文皇帝召見即日授翰林脩撰

又云陳裕字宗向鄆人以字行通經史精書法洪武二十四年舉  
進士歷河南參議考功郎中武昌知府以清操聞

又云陳敬宗字光世慈溪人永樂初舉進士入翰林預脩永樂大  
典及五經四書性理大全累官南京國子監祭酒考滿入都中官  
王振慕其名致見之不可得知其周忱善令道意忱曰陳公倔强  
未可以勢力致其書法精妙誠以求書為名先之禮幣彼將來謝  
或可見爾振如其言求書程子四箴敬宗走筆書之而返其幣終  
不往卒謚文定

又云鄭雍言鄆縣人永樂中舉進士改庶吉士再遷行人司副仁  
宗監國南京每應詔作詩文輒被獎且稱其楷法端嚴歎其為人



宣德時命入內府教小內侍書尋遷河南僉事仍留內府正統初  
始遣就職終太常少卿雍言尤工篆書日應四方之求無吝色  
又云徐蘭字芳遠鄆人為諸生不第棄去潛心書法楷書師鍾繇  
宣示表行草師王獻之授衣天寶節還鶯諸帖皆瀉古道勁兼精  
六書考究點畫正其訛謬作古文奇字得邊魯生筆法八分初法  
蔡邕瀉于長碑晚參以己意時人謂其書與程南雲並馳遠近求  
者無處日

又云詹僖字仲和鄆人父後禮善書僖幼即習王逸少樂毅論東  
方朔贊及趙子昂度人經金丹四百字七觀焦君碣諸帖北京皆  
有碑刻人多珍之

又云孫玉字彥暉慈溪人工詩善草書知府李春堂舉賢良方正  
又有以明經薦者皆不就

又云夏時正字季爵慈溪人正統中舉進士仕至大理寺卿博學  
多著述書法道勁

又云張楷字式之慈溪人永樂末舉進士仕至右僉都御史博學  
工詩兼善行草篆隸

又云岑俊字子英慈溪人工書尤精篆隸古詩出入魏晉正統中  
舉提學金事花潤生舉經明行脩以親老辭年九十卒

又云金漫字本清鄆人正統中舉於鄉以習古書法授中書舍人  
直文華殿終太僕寺丞工詩篆隸行草皆有晉人風度其清品雅



操為縉紳推仰

又云張鉄字子威慈溪人幼端慧即為外祖尚書王來所器能詩文兼工篆隸真州所著有碧溪集南皋詩話

又云屠琛字廷贊鄞人工歐虞書法文筆不務雕繪由歲貢生歷泮平教諭後子瀟吏部尚書瀟子經心德中舉進士以善書選授中書舍人歷吏部郎中

又云薛穰字有年鄞人成化中舉於鄉仕至灤州知州好學善詩文書法鍾王

又云陳沂字魯南鄞人字南京五歲能屬對七歲能摹古人畫十歲能詩心德十二年擢第年已五十矣歷翰林院編脩終山西行

太僕寺卿其書學東坡旁及篆隸繪事成稱絕品繼室馬氏亦能詩年八十益不廢吟詠書頗類沂兼善山水其詩曰芷居集

又云豐坊字存朴鄞縣人後改名道生字人翁號南禺學士熙子也舉鄉試第一擢第授刑部主事嘉靖初爭大禮與眾合杖於廷後遷南京考功主事謫通州同知坊博學工文尤精書法臨摹古帖往往亂真性狂誕仕既不得志思以片言取卿相乃詣闕上書請加獻皇廟號稱宗以配上帝帝大悅後之而坊亦無所進擢自是為清議所棄

又云華愛字仁卿鄞縣人正德中第進士仕至知府性恬雅工詩善行州自號石牕有石牕詩文集



又云錢仲字子仲慈溪人善詩工篆籀嘉靖七年應六書試尚書  
桂夢命作治河策秋興八首跋仲居首命錄大學衍義書成授中  
書舍人

又云汪禮約字長文歙縣人金都御史王孫堂游太學即棄歸隱  
大雷山下築一樓坐臥其上二十年雖妻子莫睹其面於樓左偏  
開一穴下置五石大缸扁其外每一詩成輒按之而擲於缸內詩  
既工字又精妙積歲缸滿家人發視人爭藏弄以為重

又云先考字履安號悔庵鄞縣人諱典郭林宗因好學敦名節善  
詩古文工書尤精小楷崇禎九年舉於鄉國變後隱居不仕卒年  
六十有寒松齋詩文集十卷

宋孔平仲談苑云許敏明州人張唐卿榜第一甲及第以大理評  
事知縣嘗因用刑箠殺人其後寃屢見但相去尚遠經二十年敏  
以太常博士通判蘇州其寃漸近稍至榻與敏夫婦同寢其始敏  
夫婦在外寃臥於內既而間隔臥於夫婦之間知其為鬼無如之  
何也是時詔索天下御寃令轉運司差官護送入京敏與太守林  
大卿不協於上司求行自京師歸至汴上青陽驛其寃逼之敏死  
驛中

又云仇泰然守四明其下一幕官極相得一日問曰公家日用多  
少錢對曰十口之家日用一千泰然驚曰何用許多錢對曰早具  
少肉晚羹菜泰然曰某為太守居常不敢食肉是是喫菜以為小



官乃敢食肉。宜非廉士。自此遂疎。國朝戚學標。回頭再想想。云樓鑰為母行狀。燈前與諸婦為依。經馬之戲。四明人宜有知者。

又云蘇頌。因經。炸蟬生於轉丸。衣魚生於瓜子。龜生於蛇。蛤生於雀。雖異類相感。要是同為煥動。到甬上食海瓜子。乃知鱗介中亦有以瓜子名者。非瓜中龜也。

又云同年陳旭峰。有文名。遭家多故。南旋教授里中。多老往。為文自感悼。或時為語。藉遣吾聊。范耐軒述其自壽聯云。憂能傷人。不任此翁。孫矍鑠。老當益壯。妾思吾壽。到期頤。又自笑功名富貴。前此一。吾所成人言。筋力貨財。如今。兩不為禮。

僧純。經黃巖人。余方外交也。主觀堂。方丈堂。向接眾。鉢鉢至者。不問來委。粥鼓一鳴。食指千石。飯僧委為題對云。疏伽神女。非鼻聞香。得梵鉢提。異舌知味。皆肉典成語。

袁簡齋。詔全謝山三十六歲始娶。滿洲學士妻。甚女。舉一子張秋。晚曰。此妾也。謝山初娶於張。後娶曹。甚女。滿洲學士女。事子名。非兒。未幾天。終於。之嗣。

又云甯波府城三無。無飯帳。不見燕子。青蛙稀有。郡學地中。郡蛙鳴。郡人必有中解元。入詞館者。屢驗。惟一種鳥。灰白色。頂有纓帶。垂下翔。附其聲。作作。早出街。小魚食。土人呼。鷺字書。鷺。雉也。則非是。多在郡學道憲衙前。依云地。旺靈始來。陸佃。碑雅。帶鳥性。仁。纓。



鳥性樂。厥亮夜煩耳可厭耳。

慈溪葉譜山年六十有五。妻喜出。再娶。妾刈六年。連舉六子。婦人信有宜子者。譜山晚年得奇疾。內通。必令人椎腰脊。半日夜。始下如魚凍色。一條醫所不能治。

慈溪女子陳阿毛年十七。父死。母孀居。其孀樂氏。號檀樹。緝板。與母不協。致母死。阿毛心怨。有後言。常揭樂短。樂轉於翁前。誣阿毛與工人通。見孕。數月。翁惑其言。令樂立致阿毛死。殉其舅氏。賊口樂夫自外歸。數聽於妻。轉謂阿毛死不足惜。阿毛經許洪氏子。冤無所伸。遂詣洪訴。洪疑信。聞夜輒驚擾。以告父。父亦聞外言。藉疑。搃寬。控縣。請驗。縣不為直。控府。仍行縣。樂潛買工人出。認姦。縣

據以覆府。阿毛竟入府署。跪太守。夫人床前。求伸冤。夫人驚起。以閃眼不見。具白於太守。太守曰。此案吾固疑之。乃徹底清究。詳司會。檢驗。阿毛是好女子。頸痕係勒。死防喊。木塞其口。其母死逾年。面如生。周身軟。無傷。銀針探喉。盡黑。蓋以鴉片雜藥中毒也。於是定樂夫婦罪。盡呼太守為姚青天。蘇州間溪其事為劇。

鄞白衣菴。閩帝廟。國初里人石佩玉所建。記稱佩玉少時。墮某處水中。彷彿見帝云。此吾父母。不可不救。若有提之出者。時佩玉一布衣。後給事部曹。遂敘得官。選解州尉。即帝鄉郡。於是父母之言驗矣。遂至帝所。居常平村。實地。里叩謁。命工仿塑其像。歸建廟。記之。冠有珠。有竊取者。方入手。如人擊之。仆地。其靈視他廟。極赫。



庚寅六月二十一日甯波水師右營火藥局忽轟一聲火迸出如雷鳴聞二三里遭之立斃計死兵民百十人千夫長有死者為一時異灾

甯波忠佑廟祀漢雲臺二十八將中劉植莫曉所自明永樂時常一木雕神像四分祀各廟表柳莊見之曰四像分富貴多賤相後分得富貴像者境內果富貴分得多賤像者所屬悉多賤人神主之神又相主其理不可曉今城中鼓吹人及往來送娣皆在西洋寺一帶賤廟境內他無有

又云凡井得雨輒滿溢獨四明董姓一井早时尚水給數十家及雨各井皆盈此井無所溢更不知雨下後何而去往往有松毛青

色浮起其脈之來莫得而識云

又云史立庵大成居鄞張兩橋其同里洪桂芬遊七塔寺看花四金剛座下有所收妖女像洪悅其狀立菴云吾為君媒洪手持桂花奪插妝髻狀即為好女子夜至洪室與蓋好久之或見形其家懼禍百計驅之不能去往求龍虎山張天師天師拘妖至妝曰我桂花為聘狀元為媒非故狐惑人不然四天王嘗窺我今緣盡去耳天師遂釋之時立庵猶未捷南宮人知當作狀頭矣洪後亦捷去又云國朝浙人中狀元自順治乙未史立庵始年已踰四十矣兩娶室皆歿都中續一漢軍費氏旗柁南人乍見遂有史大成招駙馬之妾傳老儒耕應所居即狀元第為其宗人詢之云家譜公手



定詳敘妻小無此事也

又云甯郡大旱，編禱不效，乃相率祈陸龍。聞昔陸家一女子不夫而孕，產物頭有角，放之山中，乃龍也。女子死，棺入山，大風雨，頃刻成墳。龍朝拜而去。前淮為潭，甚靈異，求之輒應。不知者訛為六國朝。李宗昉聞妙香室詩鈔，角上春陰云：甬江烟水渺無津，屈指清明又一旬。懷舊湘蘭如寄語，含愁越女最工聲。雲低花嶼龍香久，波濺苔磯孕綠紗。衣上緇塵都浣盡，廿年雪濺雨中春。明高蘂菴雪交亭集云：沈履祥字其旋，慈谿人。丁丑進士，魯王命為御史，巡按台州。城陷，匿山中，以不薙髮被殺。家人求其屍，得之桑園中。時方盛夏，顏色不變。有絕命詩云：十年徽纆歎勞生，曾

向中年幾問津，憑軾數甘非。市德歸舟載石，不知貧。河山破碎懷長恨，家室飄零任去塵。矢報愧無扛鼎策，空捐化碧浩然身。

又云徐起睿字聖思，鄞人。生素豪宕，以大節自矜。喜劍舞，聞人不平事，必色然起。已而削髮為僧，師事徑山雪嶠。雪嶠名之以宏節，歸則閒靜，寡言於延慶寺西坐一闌，數月。聞錢先生義兵起，躍然破關而出，往從焉。每當戰，必立矢石之間，同事多笑之。一日渡江，登彼岸，擊敵陷陣而歿。魯王贈以指揮，世襲七葉。有甲午仲秋偶懷往事作長歌以紀之，乃變徵之聲也。其歌曰：旄頭芒向拔桑烟，壯士林頭霜刃泣。鄒嶺風塵一布衣，怒濤長向鷓鴣夷。徐子徐子深足念，眉如石稜目如顰。炮案無資空滿前，破屋頽床懸一劍。時



時為我砍地舞舞器悲來淚如雨為問君家何所悲立也無錐衡  
失技達人只解談君父咨嗟此道今如土友遇難寧天性真大抵  
生平全用怒一旦無名忽自割秋風秋叶悲身骨削髮披緇著叶  
鞋雪嶠老人幾度喝喝破徑山不是我歸來鍵戶深深坐曉風夜  
雨到關前不蝕琉璃紅一顆琉璃夜紅日畫徒胡見羣飲鄴江水  
鄴江健者有錢公異軍蒼頭乃突起擊鼓闐闐震陵岌磨刀淬刀  
響漉漉鉦聲高揚磬聲沈驚破當時舊努目長吼一聲關鐵剗出  
言願注送戎籍意氣相需會有時大士維摩按不得錢公自是舊  
相識當日軍前借羽翽馬長驅躍馬到胥江胥江戰氣潮同沙日  
日渡軍塵西泝祝敵如豚身是虎壯懷私幸當肉奴絕脰搥胸莫

足數徐子徐子徒自覆列壁諸軍皆墜收後師不進我師傾隻斧  
喜援鼓聲縮鼓聲縮若壯士騁喜逢死所神先猛試問平生一片  
心皓霜江上新燐冷免君尸濤如雪西陵渡口悲風咽日光映入  
晚潮紅鄧山布衣一捧血

又云趙景麟字天生鄆人邑庠生沈實不務時藝丙戌鄆陷景麟  
佩衣巾投於甬江漁舟斬水板之出膚孔見血輒入天臺山寄語  
其舊徒徐氏是不入城市者半年每一念至輒掩几長歎悵卒  
華先生有詩哭之

又杜懋俊字英侯鄆諸生世居管江過宜謀起兵六共盟及事洩  
據管江拒守大兵至矢盡如雨公重傷忍痛大罵依牆而斃數日



尸立不仆

又云杜兆菴字承芝鄞諸生懋俊之妹其謀被執戮於市砍十二刀首始斷直立不屈

又云施玠字仲吳鄞諸生父翰故都督僉事總兵過宜之謀興後也玠破家送事後同杜懋俊守管江死於難

又云華夏字吉甫鄞人副榜貢生其錢先生起義授翰林檢討請師渡江後次年公其同志謀興後聯終威甯侯於舟山約為內應自甯及紹山中皆有布置於其越城同日而舉經營一載鞠躬盡瘁剋期於旬日即發時王翊山師初起公贖翊書未達為人所得有首其事於官者因執公越三日威甯如期出師舟抵城下而公

已縲纒同謀者或逃或亡時道標亦有密相訂共舉者以事既變不敢發內應溷然而歸而亦無敢格之者時丁亥十二月初四日也初巡按秦世棟至甯波將於是日往台公於乘舟官之送襲其處會事覺世棟遲遲不發事遂相左公就訊之日岸然不忘問以誰為主謀則曰有之太祖皇帝烈皇帝耳卒不及他戊子五月初二日死於市臨刑慷慨自若妻陸氏聞於徙茲沐浴更衣後突自縊公在獄自號過宜或問之曰周公之過亦宜乎然則予過何不宜之有有與家大人詩云一聲啼鴉萬山赤錯雜披丹眾彈射珍重秬鬯不易妨絕地通天奈三尺鐵夫加諫羞裸將鎬壘倫着流言外率育輩氓皆帝系城野呻吟豈戰哭抱孫哀父泣中身忍



縱豺狼殘骨月牛豕橫謀難異同渴渴濁奔砥柱獨恐污偽署棄  
平原倒印司農憶舊福斯罪生成原莫燬憤對羗囚上下直拘縱  
視拾鬼伎倆剛直何勞能白黑臨平湖塞大人開貫索星輝元老  
色重新楹楠問曾孫稼穡去田視仁粟嗣徽潢滴底阿衡功祈師  
保跪投楛勁挺梧桐隱鳳皇泣愛苻藻浮鳧鴨洗空野馬多土藏  
出腹經綸陪奠祿佳兵堂上潛抱丸焚掃背芒望衷甲名山草木  
動長年梳刷寃端纖手狎領袖健鷗呼角應鷹灑血飛毛啄怪蠶  
改時逢可執若吞樊籠掠翅渾忘折又旦晷八韻云單心存甲子  
赤血漲孱軀痛昔悲遷就違時別否吁帝咨元日重月正面南殊  
竹簡詳巢鶴林盤多哺烏果誰肝膽薄因患是非愚毀辱訴憤恫

捐殉絕寡孤萬倫敢問堂論品懼嗟觚瓦法倡吾拙前編錯估迂  
又對薄受夾脛辱詩云祇因頻念祖權壓勢多端吊唁拙詞答堅  
貞無色寒如愛舌噴血故毒足盤跚目眩花旋黑身掣髓並剗未  
瘳心疾困索遂肉糜歡世事蘇門嘯人倫蜀道難夢中能執爨醒  
曷溷追榘惆悵聞傳語將毋文士殘又附錄蘄蒼長律一首詩云  
英氣標名幟奇情蘊學惟幌霞奪瞞志風雨集元辭漁古分溫炤  
違今鄙藝炊玉輝睡已久金粟鑿非違侍雪皆高譽承風多峻規  
辟雍觀秘業陵寢攬皇儀際此鷹榆厲維傾黿足虧傷心十世厄  
淚灑卣都夷識兆錢唐涸屯浚甸甬移窳顏俱納組無啄不迎旗  
釗氣鳴寒篋纓襟列貴榻莫興慚鼠技偕作得鳩司露布轟雷筆



星羅製電麾蛟閣回兜節雁宕訝龍旗於殺甯防他捐生豈破懦  
銳軍經石帽睦壘費紛劇練弁噴攘粟飢營苦畫脂德因蠻觸競  
遂使騰蕪隳長子師誰濟書生數亦奇奔濤失駕馬凌塹逞兇虎  
痛哭嗟何往佯狂恨不支搗皇天莫補夸父日還追燧火更脩身  
星虹協銳思滄溟聯舊轟岫岫特彰郎師劫操文然炬鋤羸孺子  
推震隣皇旅集守隘敵鋒馳倚作雷霆驟踣中腹背歎飛絨遙剋  
日衷甲亟需期秦赦俄先洩苦謀豈瞻窺樓船驚白晝圍圍慘陰  
颶表榮功奚就周尅事豈差慨慷抒對簿俞諾勇承詞身傍皋陶  
例過援振旦宜填膺惶恚意對紙笑啼頤大誼明枷鎖人倫獲鋸  
劇義聲沾詒袂芳聞更聞禍罔愧良人目弥令節援怡青環懸憤

赤彤簡映巾綦並化春鷗血偕啼南樹枝愁予同信誓與子共艱  
危生死雖長絕曩今敢或歧播逋哀面辜剛烈企昭垂學豈揚雄  
誤名應張悌推傳雲迷惘緒落月緬道姿白水徵符候黃尔吐氣  
時

又云楊文琦字瑤仲鄞諸生隆武授惠安學教諭閩廣歸家與華  
先生同謀興後事復被逮恐累其父自鄉入城就獄與華先生同  
死妻沈氏自縊有戊子春日奉答父親獄中可讀書諭詩云圖底  
愁雲慘不舒遙憐春色到菘廬半生報國慙無補一日思親痛有  
餘斷頸直須聞道後了身還憶拜師初此時正可親賢聖嚴訓勸  
拳敢背與題獄壁詩云生為大明臣死作大明鬼鐵石或可磨貞



心良獨躋天生七尺軀罔敢自卑非松柏歲寒青詎曰同凡卉  
又云楊文瓚字贊玉文琦之弟己外舉人隆武授貴州道御史守  
杉關閩漢隱於泰順五閱月始歸家兄琦事洩并被逮訊詞已寬  
之而在朝有死殺之者釋而後逮故死後其兄二十日妻張氏視  
殮不哭語其舅曰兒不死無以成夫志自著殮服召畫工肖其像  
沐浴更衣拜辭宗戚宗戚無不掩泣而彼談笑自若徐謚於床一  
時同難諸婦聞其風皆守死不辱張倡之也

又云屠獻宸字天生鄒庠生監國授兵部主事與華先生同謀起  
兵時海道中軍陳天寵仲漢皆北人統北丁百餘人公苦心招之  
皆應命已剋期舉事而華先生先被執隨逮公與華先生同日斬

妻朱氏自縊而二人事俱不洩及公庭鞫被刑二公左右之力居  
多

又云董德欽字若思鄞諸生清師渡錢唐納衣巾於文廟後與華  
過宜同謀被執同日斬於市妻子徙莖

又云王家勤字貞一鄞貢生高才博學與華夏齊名時稱王華其  
子印華婿也監國授公評事後與夏密謀起兵及夏逮遁入管江  
招集拒守被執斬於杭州有九愍詩其愍年詩云馬長如許齒堪  
憎縮遍春王瓊牒滕執爰惟埒古三戶浮箭如欺今五陵護燈續  
晝俾宮髮試藥為醫驗折肱悲咽遠外高秋志備然半靈衛飛增  
又云陳良謨原名天工字賓目鄞人辛未進士渴選得推官時止



有雲南大理缺原眾說公且緩期可避此遠地公毅然曰滇非王  
土耶四方惟命之謂何卒就選遷四川道御史巡按四川督師楊  
嗣昌以荊州阻江路絕於導賊入荊三面寨兵以困之賊衝蜀核  
郤捷去一軍自夔入蜀於是捷春得罪公拮据禦賊無所失於是  
疏嗣昌失事於朝詔公再按蜀一年而還三月十九日聞城陷語  
左右曰吾為國死義不顧家止此先君寔老母侍養中年無子  
嗣繼未定須一言因囑左右書絕命詞一序詞載公集中公妾時氏新  
娶欲遣之歸曰相公有志盡忠詎謂妾損人不能死耶乃先公益  
公欣然就縗詢其友李芳泰曰安得有明中泰即以己巾易之從  
容容整冠扃戶而絕弘光朝贈太僕少卿謚恭愍時氏贈孺人初

公按蜀回里將後命行有日矣友人往見繪己像冠服儼然曰公  
何匆匆事此曰時事日非矣既以付國家甯必生還耶聊作此貽  
後人耳赴京未半載而遇難

又云馮京第字躋仲慈溪諸生博學宏覽居平好談經濟國難後  
入閩上中興十二論隆武帝召見大奇之授職方主事改御史視  
師浙東至衢大兵渡錢塘公乃之舟山與肅虜伯謀為興後策多  
不合意怏怏從張名振至崇明應吳勝兆為颶風所漂僅以身免  
乃從安昌王乞師日本舟中且拜且哭旬有餘日卒致其血書曰  
本人為之色動然其師竟不出丁亥十二月初四又從攻甯波不  
克於是去舟山至吳興聚眾數千人亡何又敗又渡錢唐入四明



山中依王翊翊以兵付之京第倚山為城立老寨於杜畧練兵數月頗有可觀而督糧蕭起元下令教團練逕攻破杜畧團練從而犄之積兵甲數屋盡為所得翊走天台京第匿民舍以免明年翊兵後盛京第亦收拾殘卒自為部京第自負經濟然欲以承平體待其士卒不為人所附故往往致敗監國在舟山授副都御史升兵部右侍郎清先繫其家屬母尹氏徙慈妻葉氏自縊子頌年十五斬於市妾二沒入官營為妓建義受禍之慘未有若景第者也官兵破四明山寨購京第甚急其將王昇降附於致京第為功謂之曰馮侍郎人莫知其處獨昇知之耳引騎往得之鵲頂山中京第已病甚固山金礪以攻山寨駐甯波京弟兄不肯跪田雄在

例掠之仆地明日遇害時十二月十四日也未幾昇亦殺有小雪日集徵詠樓詩云大風木下空林早小雪杯寒溫酒頻把殘猖狂今日事枕戈戮力異時身西來江水接流血北去風塵漫污人樓上不堪回極目短巾長嘯名沾巾又宗忠簡公墓詩云李綱初罷岳飛少壞汝長城天謂何不夢家山歸白骨空招魂魄過黃河鷓鴣春恨年年冷松柏陰風夜夜多死在九原猛裂恨小朝廷已議求和

又云董志甯字幼安鄞人廩貢生南京臨將及浙幼安遍謁里紳勸以起義因奉錢先生起兵事既敗潛與華吉甫同謀事洩吉甫先執幼安逃之舟山魯王授以兵科潤至山中諸寨舟山陷死之



其僕名文周當幼安之亡命當事將執其妻子周毅然自往刑拷  
至死誓不旁致及其主母及二子遂得免累周久於獄亦得釋華  
吉甫作泗水鼎首寢之藁菴曰幼安既死予挈其次子士驥於家  
飲檣茹蘆與兒輩讀書於今三年已踰汪童之歲矣曾以一律勵  
之云同難嗟余憶舊盟荒原故友若呼名國仇未報見思父交誼  
每慙死後生泪底檣蔬難渾雜書中忠孝兩分明挑鎗共子談疇  
昔試聽雞聲非惡聲

又云戴仲明甯波人為工部所正抱高皇帝主投火死

又云陳氏魯王妃鄆人張氏貴媛杜氏義陽王妃同赴宮井死

又云錢肅樂字希聲鄆人丁丑進士授太倉知州遷刑部員外郎

清陷浙餘姚縣孫嘉績起義會稽鄭遵謙應之鄞諸生華夏董志  
甯謀起事遍謁里紳無應者公時丁外艱避亂山中夏等使人邀  
之即入城招定海總兵王之仁同盟里中有紳某寓書之仁以甯  
郡淪淪泚泚起自六狂生需公以兵威脅之仁至亮出其書眾  
大譁某以捐餉丐免遂定盟監國進僉都御史初起兵時議以常  
餉畀之仁以新派義餉畀公而之仁之子鳴謙代其父鎮寧海侵  
義餉餉匱公兵解時隆武詔至江上人議拒之公以為彈丸之地  
不可再生內敵且今日之役俱為二祖所式憑何得遂分彼此自  
此其諸人異議兵既解進副都御史掌院事未幾江上各師皆潰  
入閩閩旋潰監國至閩後送駕諸將以次後建甯邵武興化及諸



州邑進兵部尚書丁亥秋進攻福州福州外邑皆降軍聲大振相  
持八十餘日城已垂陷而清總督張存仁率兵至遂解圍去而所  
後郡邑悉後有為清有怨汝霖既為鄭彩所害代汝霖為大學士  
先是劉中藻起兵福安已攻福甯州將破而清帥涂登華詣彩降  
彩使其私人守之中藻不可於是與彩交惡時彩橫甚視諸大臣  
生死皆出其手以中藻之力制彩密書與中藻約共圍之反為  
所得遂憂憤吐血卒妻董氏次子俱先亡後長子亦死無後自甲  
申以後所著詩甚多皆憂憤之詞不能盡錄錄其倣文文山六歌  
詩云其一我憶當年喪玉斗帝車失度東西走漁陽動地羯羊催  
京洛蒙塵花石藪古來亡國痛以悲豈有明明若我后先帝不得

正其終諸臣何以辭厥咎而方于于拜偽庭白馬金鞍腰紫綬嗚  
呼一歌兮天絕紐狂風散野萬木吼其二我痛心兮不忍言京城  
馮馮慘似天王師奚啻稱十萬倉廩堪支一年胡為松關只兩  
日干戈突骨至尊前豺虎張口食人肉宮殿流血染為川嗚呼再  
歌兮心如煎大地蕩蕩生寒烟其三我朝忠厚立國只三百年來  
聖天子吾王憂亂乃有今羣工養賊至於此賊徒轉號黑帝來牧  
言煽動蒼天死百姓愚耳信為然閉門迎賊紛不已嗚呼三歌兮  
憤恨起目決眦兮口嚼齒其四我思百姓誰愚魯胡為見賊歌且  
舞牧守縱橫恣吞噬猛如羔羊虎字乳堂上一怒羣卒趨千家萬  
家泣如兩小民湯火無如何忍呼盜賊為吾父嗚呼四歌兮歌聲



苦飲下天耳與天語其五豈惟牧守競饕餮更有大者不敢說明  
珠璀璨羅光輝黃金布地等一映以茲死黨滿要津國家大事盡  
卷舌草野之臣知有今猛恃天子稱明哲嗚呼五歌兮聲轉咽風  
卷寒雲來浙浙其六絲來堅忍生志節心似寒冰面似鐵朝歌  
暮舞成底事骨脆不堪而風折一朝地慘天無光烽聲豺語遊宮  
闕鬼斧白日鏡空片片墮地化為血嗚呼六歌兮歌正闕仙望  
我后重來掃妖孽

又云周氏判乙然妻甯波人家於揚生二子清兵至其女匿後壁  
中夫與二子守於外被拷甚酷周自經不得死次日穿壁而出語  
夫曰妾事君二十五年不幸遭亂後壁不足恃萬一被污死不足

贖不如留清白自縊君前因與二子訣女已及笄哭不已周挽之  
曰哭益益淚隨我先一縲繫女首乃自繫對懸而絕移時兵後至  
則搜壁間矣

又云張夢錫字雲生鄞邑諸生同錢先生起義清既渡江夢錫後  
聚眾山中太兵猝至同事者驚散夢錫獨提刀大罵奮擊而死  
又云張廷綬號雲衢鄰人迎魯王於台州命為副總兵分守海門  
不難髮與李康禧同遇害妻女俱被虜

又云威甯侯二女長十五歲次十二歲長為靈若騰掃也戊子送  
閩海至舟山定西侯張名振駐師南田以舟迎之設宴長女曰我  
靈家聘女見父而來今父未見安有中途赴宴之理辭之定西侯



奇其言父嘗與之金密縫搭膊繫於腰間俾輩詢之曰處此亂世我輩何能自保萬一有難汝赴海水腰有所繫庶不浮尸辱親也己丑九月二十四威虜侯果被害事見別紀長女先往赴海次女曰與姊同就死何棄我乎遂同溺

又云阮進字大橫福建人善水戰初為閩之舵工嘗為寇於松梅張名振拔之使管水營魯王屬以水師封蕩胡伯清之圍舟山也松江張天祿出滌瀾關金華馬進寶出海門陳錦金礪劉之遠田雄出定海行朝聞之宣西侯張名振英義將軍阮駿扈監國舟出舟山八月十六日乘大兵試舟海口以三十舟衝突獲戰艦十餘樓船一隻擒清騎十一人馘而縱之二十一日大霧清舟悉渡螺

頭門海師纔覺先是阮進詣議和清於誘之進教舡脫歸值金礪之舟於橫水洋力戰矢礮並發諸將皆敗進舉火球抵之風轉蓬脚反激回己舟自焚鬚髮皆燎投水自救遂被所獲并一妻幼子清待以賓客禮其衣不從其子匍匐向公公於座中接而擲之空中踰日被殺其妻陶夫人有巨力善捩舵以在別舟得脫遂領其舟師極俊亦善戰至今猛在海上救其一軍為最又云張宏謨嘉定人初在定鎮張忠標下守穿山因人呼為張糊塗嘗附舟至其所守處鄰有一士人與同舟言論阮接因言及已嘗作詩吟之多頌高皇帝功德士人異之及舟至士人家天已晚留之宿定盟而去未幾從杭州取其眷屬至後至士人家云有所



往不告以露後詢之則揚帆至舟山歸黃肅虜矣肅虜以為鐵騎  
總兵辛郊清兵攻舟山宏謨守西門兵眾見之呼張糊塗來返故  
營不應守益力城破被獲不屈而死

又云張名揚定西侯名振之弟為左都督名振隨扈以名揚居守  
城陷自焚死

又云顧名楫順天人張名振之客也為定西參謀舟山破死之

又云朱養時江陰人為抗輿時清台道耿應衡遣奸細入舟山  
托於日者謂災星見於上之祿命定西侯信之使禳上擇日行香  
養時為職方郎中上疏爭之侯不以為然養時怒曰使清朝聞  
謂行朝無一人矣舟山陷自縊

又云王翊字完勳餘姚人少而自負視先輩至同舍無一人當其  
意者好為大言浙東建議翊自募一旅不肯屬人派糧不及其軍  
軍且散同事楚人舒益生故新安王宏王自新安至益生遂以軍  
屬之然王亦無分地可賦軍遂散司餉者按尺籍翊所破召募之  
金無抵將罪之而浙東兵潰乃渡海依黃斌卿斌卿倭甚馮京第  
以隆武御史其之抗禮斌卿不悅翊不肯下為斌卿於害者數矣  
翊知斌卿不足藉乃聚眾四明山四明山連三府八縣翊往來乘  
隙屹然孤守其城外之田賦一歸之翊已而為替梅蕭起元所敗  
明年擊破固練其兵益盛監國議加右金都御史定西侯張名振  
以其恩出自己曰需之以俟翊至詔授福建道監察御史清於征



舟山翔從中校之於是先圍山寨金礪由奉化入田雄由餘姚入會師大蘭山設帳房三十里遊騎四出其鋒甚銳翔入海謀與王朝先舟師襲攻杭州而名振擊殺朝先翔知海上兵敗後還山中乃山中留諸將降殺且盡七月二十四日大星墜地野雉鳴翔將家丁數十人謀至天台夜宿奉化小梅亭為叛民所獲送至甯波府守曰何苦為盜答曰改面事盜者盜有所在矣翔徒跪而立海道王爾祿使翔襪翔坐伸足命左右結之爾祿曰聞尔為詩授筆使書之翔立書一詩畢乃引其筆以搗尔祿遂出是時清將圍舟山部院陳錦且至擊翔以待翔每日從寢束幘脩飾儀範飲酒賦詩八月十三日陳錦田雄金礪別去遠召見門者喝跪翔曰吾

平生未嘗屈膝於人况在大羊乃坐地上於是之遠注矢射翔中肩不動雄中類礪中脅皆不動左右絕其吭始仆有七月廿五日奉川詩云五載功未成一朝名已立平生忠愛心每愧對天日慷慨入黃泉神魂隨帝例可憐母與妻相向空庭泣千古綱常事真傳惟我得勢窮事不偶身死徇社稷多少未了事誰來代我職嗚呼大丈夫須繼天立極又廿八日甯波詩云向作天中柱今為堂下雷相逢白眼看一劍空隨我寄語堂上人再思而後可誰無君父心時事胡其左談笑且從寢今日得死所平生忠憤血飛濺于羣虜又八月初一日定海詩云天何生我遲何後死我速生遲不遇時風塵慘滿目人民化大羊紳士變禽犢死速志未酬英靈昭



四瀆飲生天外天襁褓免胡服戎馬待鬢年其君仍逐鹿功成而  
世名事定中華福忠孝總關情時人望予哭又初九日定海詩云  
鼎革從來有忠臣何代無未聞夷猾夏能帝我皇國當日文丞相  
躬垂萬世模一身存正氣百折不糊塗三載生非倖千秋名定法  
歷年已數百此志何相符守禮樂綱紀舍肝腦身軀留身後留事  
全髮莫全膚寬矣幼弟死痛哉老母孤嗟乎妻弟婦甯忍去送胡  
鬼神為我慟河山草盡枯寄言諸君子幸勿常嗟吁

又云范氏定西侯張名振母素以忠義教侯侯護駕登舟山南狩  
范知城必破命長子名甲次子名揚預積薪於屋四圍城既陷及  
名振妻馬氏名揚妻某氏并內姪兩人闔門自焚死

又云陳氏林瑛之妻瑛同母妻播女五人航海入浙偕隨鄭彩玄  
玉健跳可而母已死貧甚妻及女為人緝緘以食已而女又死清  
兵入舟山瑛與陳氏分果縊陳氏腕弱不得死瑛使童子<sub>生</sub>嗷嗷助  
之陳氏揮曰吾守掃道二十餘年垂絕而死於男子之手乎卒  
自刃而絕

又云王之仁號九如湖廣巴陵籍錦衣衛人定海總兵錢肅樂起  
義甯郡約公共事公许诺有富紳遺書於公請其沮錢謀并斬倡  
謀庠生六人華夏等志甯與焉公至會肅樂於演武場大盟國人  
紳士民庶咸集公出其書於斬富紳富紳不得已許捐萬金犒師  
於是即以富紳監餉焉魯王封公武甯伯兵潰方國安方逢年降



清公將眷屬四十人及其輜重載以巨艦沈之海中携教家丁至南都緋袍見洪承疇時南都難髮已久忽見公冠帶盛服觀者如堵承疇曰若既降汝難髮公曰吾家人十口沈之海底吾其同死誰其知之今來死於高皇帝定鼎之所庶魂魄與孝陵同歸耳可速殺我係之通濟門水牯庵後移入西華門觀音庵未幾殺之談笑自若顏色不變壁間遺詩二首云黃沙白浪起狂飈力盡錢唐志未消半世功名歸馬革全家骨肉付江潮題詩四壁魂長在大笑秋空死亦驕三百年來文字重只今惟有霍標挑通濟携邊獨步時國門驚兇漢官儀於將鬚髮還千古淚擲頭顱向九遠身後祇應存劍俠世間終不乏男兒辨香拈起寒霜勁白日青天共鑒

知

又云王之杖字瞻仰常州人王忠烈公子乙酉避難至甯魯王監國議以公知鄞縣事以服辭入閩隆武授以兵部主事後返鄞清師渡錢唐時寓金華朱大典據金華拒守令署武義縣甫四十日兵潰避山中清獲其僕遂得公不屈縛之大罵而死後家人得屍縛繫尸漲索陷於肉不可脫遂併索斂之又遺其一靴後公允夢於其僕怒言吾頭見上帝奈既足何焚靴與之

又云朱永佑字爰啓號聞元上海人甲戌進士乙酉松江臨臬察航海至閩隆武以為吏部轉太常寺卿兼戶兵二科監周平海軍回取海口海口陷舟山魯王擢為吏部侍郎為人英爽篤於友誼



舟山陷被執見清帥呵之跪公衣冠端坐立勒令難髮曰吾髮可  
難不至今日矣速殺我無多言卒砍其脅罵不絕口遂死有時性  
者在清卒中向受恩於公出金贖尸其僕負出郊外血流不止  
其僕曰相公今日姓名芳潔奈何以血自汚血遂止火葬之

又云李向中字立齋湖廣鍾祥人庚辰進士長興知縣入為兵部  
職方主事進尚寶卿避地福安監國入閩召巡撫福甯城破後止  
至舟山遷兵部尚書父死營葬山中舟山破匿不出清索得之白  
衣冠而見令之難髮仰天長歎曰國亡共亡吾死晚矣清帥罵之  
營中傲悍不屈哀絕翔武其營大帥別之遠曰吾目中難著此人  
遂殺之田雄聞其母子被雷殛之歸駐其回藉亦以服公義也

又云劉必勅南京人丁丑武進士為人奇偉精於戰陣後好近儒  
雅並能詩有儒將風隆武時命以副將安撫浙東因其黃斌卿同  
守舟山魯王遷為都督挂安洋將軍印舟山之陷公守禦甚力八  
月廿六開門詐降內伏大砲清騎卒爭入炮發擊死千餘人後閉  
門堅守力盡城破自勿列城上

又云林瑛字玉芝福建人諸生魯王授戶部主事為人敦樸舟山  
破自縊寓中

又云李開國字松城餘姚臨山衛世職讓弟應襲為諸生戊子公  
山紫各營舉義後隨魯王駐舟山授兵部職方主事城破及其母  
同縊有絕命詩失傳



又云黃斌卿字明輔號虎寢興化衛人初為舟山參將弘光時命守鎮江南都陷歸下隆武封肅勇伯給餉銀萬兩發九船仍守舟山以窺浙直及浙東陷斌卿保塢自募不取奉監國入城分其兵賦於是隆武崩四年猛稱隆武五年先是張名振從崇明敗歸殘破之餘斌卿每事侮之雖結婚媾而意相猜忌名振將阮進於清初度錢唐時張國柱於圍舟山斌卿力不能敵告急於名振名振救之進以四舸衝國柱大破之國柱遁扶監國元犯世子以降清至是進危監國王建跳所軍中乏食進念保舟山之力以百艘泊舟山告急總制尚書張肯堂謂斌卿曰上飄泊海中公宜奔問進之請不當違也不聽於是名振阮進皆因王朝先以謀斌卿朝先

以謀斌卿朝先自出海斌卿強使出其部下三年之間未嘗任之以事朝先鬱鬱請徇邊海至鹿頸四五月而致萬人邊海皆賦其軍斌卿又使其私人以奪朝先之賦朝先恨之有黃大振者故閩盜也劫商船得金數萬分饋斌卿不饜大振懼誅亡抵朝先朝先之帑寄舟山大振偽使人以盜舟報朝先曰威雷以某日盡殺平西之子矣朝先遂與名振進合兵攻舟山斌卿其二女皆赴水死又云王朝先字紹宇四川土司人也自言為童子時已結髮賴者為有大姓挾其同伍童子朝先夜緣其屋發瓦抽椽放焚幃數百整之天啟間調土司兵從征朝先因至寨上立戰功弘光即位以參將隸黃蜚部蜚死航海至浙東時錢唐江上各營兵賦已定朝



先自以老將不肯出方國安王之仁下挂平西將軍印率水師沿海道西征因脩舡駐甯郡江邊數月不發清兵渡錢唐同王之仁出海黃斌卿遣將迎之實將不利於朝先朝先覺退走追及獲之及四舟朝先子遂投海死朝先易卒服見斌卿斌卿陽為叱執者下階禮之遂隱忍居其下踰三年無所事事朝先於借樓舡數百截揚子江以遏清運斌卿不許後至鹿頸自為一軍與張名振阮進兵襲破斌卿進收其水師朝先得陸兵二千餘人軍資甲仗一不以賊名振嫌隙遂成監國進封為平西伯是時名振治兵於南田朝先居守不虞名振之圍已也士卒散遣名振率兵襲其營時尚曉朝先出不意倉皇走張肯堂家匿於樓上肯堂不暇登梯入

監國官將為鮮紘次之名振兵至肯堂家朝先下闕狹巷間殺數人脇被刺死朝先雄武為清所忌其部將涂登華張濟明呂廷詔等逃降清朝告之露實而清遂決意舟山矣







